

漢書辨疑
一







漢書辨疑

(一)

錢大昭撰

兩漢書辨疑序

兩漢書刊誤。劉原父與其弟貢父。其子仲馮同撰。今已不傳。惟載於前明監板中。此所載者。宋元人所採耶。明人所採耶。從足本全行收入耶。抑僅摘若干條。而其餘尙多刪棄者耶。不可知也。然宋史藝文志稱。劉氏書凡四卷。趙希弁讀書附志云。東西漢各一卷。則其書大約無多。監本所採之遺亦無幾矣。外有吳斗南補遺。秀水朱氏稱其博洽。以予攷之。亦醇疵互見。援引多而裁斷少。又以諸經解說。糾纏於史學。未免失之支離耳。錢君可廬出示所撰兩漢書辨疑四十二卷。卷帙之富。已十倍於劉氏。五倍於吳氏。而校譌補闕。精深確當。披卻導竅。闡幽決滯。生於幾千百年以下。追及幾千百年以上之事。恍如掌上羅文。一皆可指按。視劉氏吳氏不可同年而語矣。兩漢文字近古。與五經相出入。不識字。不通古學者。固難與語。此可廬精於說文。深通古訓。穿穴經史。傳記墓銘碑碣。善求其閒。識純而心細。實事求是。不屑爲支蔓語。故能折衷羣疑。而於官制地理。所得尤多。洵班范之功臣。史家之指南也。予向因專力治經。未遑究心乙部。然於讀史之道。固亦略識其梗概。異日拙著尙書。後案成。當研攷諸史。庶幾與可廬共相析疑矣。乾隆四十四年春三月。王鳴盛序。

漢書辨疑卷一

清 嘉定錢大昭撰

目錄

第三卷韓王信 福建本信下注子穰當孫增五字。汲古閣本脫。福建本者。明按察司按察使周采、提學副使周琬、巡海副使何喬等所刊。

第二十五卷衛青、霍去病、李息、公孫敖、李沮、張次公、趙信、趙食其、郭昌、路博德、趙破奴。福建本李息等九人分注於去病之下。

高帝紀

母媪 說文解字媪、女老稱也。讀若奧。

夢與神遇 爾雅釋言遇、偶也。對偶之義。戰國策盼子復整其士卒。以與王遇。高誘注。遇、敵也。此與神遇。亦對偶之意。小顏以爲不期而會。失之。

常從王媪武負。貫酒注蓮勺音酌。酌當作輦。監本、閩本皆誤。

常折券棄責。券當从刀。从力者。古倦字。責。南雍本、閩本竝作負。尋注文義。負字爲是。惟史記作責。鄉者夫人兒子。皆以君注。如淳曰。以或作似。顏監以如說爲非。案。史記及論衡骨相篇。竝作皆似君。如

說爲是。蓋言相之大貴，皆似君耳。非謂呂后之貌有類高祖也。漢書凡以字皆作目，此獨作以，以卽似字。說文，目，象也。目，用也。隸書以不成字，故加人于左。

芒碭山澤閒 碭當从易。

高祖怪問之呂后曰 閩本作高祖怪問呂后，后曰。

秦二世元年 閩本連上不提行，二年三年放此。

令置將不善 令，南雍本、閩本及史記竝作今。

願吏擇可者 吏，南雍本、閩本及史記竝作更。

注割廬山發而出水 割，閩本作葛。

秦泗川監平注師古曰川或爲水 案地理志作泗水，則作水者是。周勃傳作泗水。

走至戚師古曰東海縣 胡梅磻曰沛郡與東海相去頗遠，壯兵敗而走，未必能至東海之戚。班志沛郡

有廣戚縣，恐是走至廣戚。

章邯破殺魏王咎齊王田儵於臨濟 田儵魏豹傳荀悅漢紀皆作臨濟，惟項籍傳作臨菑，疑誤。

至城陽 城當作成，此濟陰之成陽縣，與濮陽相近。

乃道碭至陽城與杠里 胡梅磻曰自碭取道而西也。陽城史記作成陽，韋昭曰在潁川，則是謂陽城也。

索隱曰在濟陰，則是謂成陽也。杠里，孟康服虔皆以爲縣名，而班志無之。予案沛公之兵自碭而攻秦。

道成陽與杠里而後破東郡尉於成武。成陽縣屬濟陰。成武縣屬山陽。濟陰唐爲曹州。成武屬焉。若取道穎川之陽城。當自此西趨洛陝。安得復至成武邪。當從史記。成陽爲是杠里之地。蓋在成陽。成武之閒。

與魏將皇欣武滿軍。滿、閩本及史記俱作蒲。

又戰曲遇東。郡國志河南中牟有曲遇聚。

從轅轅。薛綜注東京賦曰。轅轅阪十二曲。道將去復還。故曰轅轅。

與南陽守齧。齧、漢紀作呂齧。

封陳恢千戶。漢紀作千戶侯。李廣芸曰。封恢千戶。猶陳餘在南皮。而環封三縣。不必侯也。漢紀侯字或

衍。高紀十一年封薛公千戶亦非侯。

往說秦將昭呂利。昭與囁同。史記樂毅傳。令趙囁秦以伐齊之利。徐廣曰。囁進說之。

漢元年傷人及盜抵罪。注李奇曰。裴駟集解作李斐說。

毋內諸侯軍。內讀若納。

會羽季父左尹項伯。左尹官名。

臣與將軍戮力攻秦。戮、閩本作勦。注同說文。勦并力也。戮殺也。其義迥別。書湯誥。聿求元聖。與之勦力。

左氏昭廿五年。石經勦力壹心。戰國策勦力同憂。高誘曰。勦力勉力也。其字皆從力。惟成十三年。左傳

有戮力同心。然唐石經及宋本皆作戮。

籍何以生此。生南雍本。閩本皆作至。

噲因譙讓羽。方言譙讓也。齊楚宋衛荆陳之閒曰譙。自關而西秦晉之閒。凡言相責讓曰譙讓。

與樊噲靳彊滕公紀成。滕公夏侯嬰也。紀成索隱曰。漢書作紀通通。紀成之子與今本不同。

收巴蜀租給軍食。軍下南雍本。閩本俱有糧字。

二年河南王申陽降。河南故秦三川郡。

新城三老董公。此與武五子傳。壺關三老茂。皆縣三老也。隋文帝改新城爲伊闕。取山爲名。

以魏地萬戶封生。貢禹傳。天子報禹曰。朕以生有伯夷之廉。史魚之直。師古曰。生謂先生。與此同義。

漢王以韓信爲左丞相。李賡芸曰。曹參以假左丞相定魏齊。以右丞相侯酈商遷右丞相。賜爵列侯。後

復以右丞相擊陳豨。樊噲亦嘗遷左丞相。皆係空名。不居其職。故公卿表不載。

三年十月甲戌晦日有食之。在斗二十度。燕地。

十一月癸卯晦日有食之。在虛三度。齊地。

良發八難。八難見良本傳。

轅生說漢王。漢國三老袁良碑云。厥先舜苗。世爲封君。周之興。虞闕父典陶正。嗣滿爲陳侯。至元孫濤

塗初氏父字。立姓曰袁。魯僖公四年爲大夫。哀十四年頗作司徒。其末或適齊楚。而袁生獨留陳。當秦

之亂。隱居河洛。高祖破項。實從其策。案今本左氏傳及石經。皆作轅。陸氏釋文本作袁。穀梁傳法言。竝作袁。不从車旁。唐宰相世系表。袁生元孫榦。榦八世孫良。則良卽袁生之後裔也。

八月臨河南鄉注師古曰鄉讀曰嚮。鄉當讀爲饗。荀悅漢紀作王饗師河南。

四年割洪溝。呂西爲漢。洪當爲鴻。注作鴻。

乃封侯公爲平國將。荀紀作平國君。

五年深塹而守。塹南雍本。閩本竝作塹。

隨劉賈皆會。閩本隨下有何字。南雍本亦脫。

封項伯等四人爲列侯。賜姓劉氏。四人謂射陽侯劉纏。徐廣曰項伯名纏字伯。平皋侯劉它。桃安侯劉襄也。其一

人漢表未聞。史記作元武侯。

大王陛下注應劭曰陞者升堂之陞。升閩本作外。南雍本亦誤。

七大夫公乘。目上皆高爵也。賈誼傳。雖有長爵。不輕得復。張晏曰。長爵。高爵也。雖受高爵之賞。猶將禦

寇。不得復除逸豫也。

高起王陵對曰。注張晏曰。詔使高官者起。故陵先對。孟康曰。姓高名起。臣瓚曰。魏相邴吉。高帝時奏事。有

將軍臣陵。臣起。案瓚說非也。魏相傳。述高帝時受詔長樂宮者。但有將軍臣陵。無臣起。荀悅漢紀亦

無高起二字。張孟說皆不了。當是衍文。

徙諸侯子關中。諸侯子猶言諸侯人也。上文云：楚子諸侯人之慕從者數萬人。文穎曰：楚子猶言楚人也。諸侯人猶諸侯國人。

六年令天下縣邑城。荀紀作命復天下縣邑。

今上尊太公曰太上皇。案秦始皇本紀云：追尊莊襄王爲太上皇。高帝用秦制也。

七年擊韓王信於銅鞮，斬其將。其將王喜也。

蕭何治未央宮。太平御覽引關中記云：未央宮蕭何所造，周迴二十三里，疏龍首山土爲殿基，殿基出長安城上。

注蓋蕭何初立未央宮，立閔本作治。

置宗正宮。宮當作官。宗正本秦官，是時始置。

八年前上東擊韓信餘寇於東垣。此韓信韓王信也。

賈人毋得衣錦繡綺縠絺紵。縠釋名云：粟也。其形足足而蹶，視之如粟也。又謂沙縠，亦取蹶蹶如沙

也。縠當作縠。說文：縠，魚網也。縠，西胡毳布也。

九年詔敢有隨王罪三族。案周官小宗伯掌三族之別，以辨親疏。鄭注：三族謂父子孫人屬之，正名婚

禮請期辭曰：惟是三族之不虞，欲及今三族未有不億度之事而迎婦也。如此所云三族不當有異姓。

異姓，其服皆緦麻，不禁嫁女娶妻，惟尙書歐陽家以九族爲父族四、母族三、妻族二，其實非也。爾雅釋

親父之親爲宗族。母之親爲母黨。妻之親爲妻黨。是族與黨秩然有辨。若合異姓爲族。則名不正矣。如淳以三族爲父族、母族、妻族者。失之。張晏以爲父母兄弟妻子。亦未爲得也。

十年五月太上皇后崩。七月太上皇崩。葬萬年。案盧綰傳云。十年秋太上皇崩。史記七月太上皇崩。樸陽宮。楚王、梁王皆來送葬。則晉灼以爲長夏五月太上皇后崩八字者是也。注家說皆不了。荀悅漢紀五月太上皇崩。七月太上皇葬於萬年。雖較漢書明晰。然以盧綰傳及史記證之。晉灼說爲優。

常山二十五城。地理志常山郡縣止十八。蓋後又改隸或分析耳。

注購設賞募也。募也。下南雍本。閩本俱有音構二字。

相國鄼侯注臣鄼曰鄼音贊。予族子坵曰。地理志南陽沛二郡。竝有鄼縣。以說文解字攷之。南陽縣作鄼。沛縣作鄼。實不同也。何封在沛。故班固十八侯銘云。文昌四友。漢有蕭何。序功第一。受封於鄼。應劭謂其字音嗟。故與何爲韻也。其作泗水亭碑。亦然。惟臣瓚據茂陵書。以爲何封在南陽。不知封南陽鄼者。乃何曾孫慶。非何也。水經注。沔水下亦謂何封在南陽。蓋又因臣瓚而誤。

其有意稱明德者。三史拾遺曰。詹事兄所撰廿二史攷異。史漢及後漢書已先付劄。復有所得者。名曰拾遺。文選注。引漢書意作懿。懿稱者。美稱也。與明德對文。則懿義爲長。古文懿與意通。書金縢噫公命馬。融本噫作懿。云懿猶億也。詩大雅抑篇。國語作懿戒。小雅抑此皇父箋。抑之言噫。論語抑與之與。蔡邕石經抑作意。是懿抑意噫。四文可通用也。小顏於意稱闕而不解。由於未識古音。

上見公 南雍本、閩本竝作上召見。

此聞帝崩 閩本此作比。

惠帝紀

有罪當盜械者皆頌繫 漢紀頌作容。案古容字作頌。詩序曰：頌者美盛德之形容。儒林傳魯徐生善爲

頌。師古曰：頌讀與容同。漢楊統碑攷庶斯之頌儀。義亦作容。

及內外公孫耳孫 耳孫、元孫之曾孫也。爾雅釋親及平紀諸侯王表甚明。當從晉灼說。應劭李斐皆誤。

二年正月癸酉有兩龍見蘭陵家人井中 家人漢紀作人家。案五行志：癸酉有兩龍見於蘭陵廷東里

溫陵井中。則作人家者是。

郃陽侯仲薨 侯薨不書。此何以書。以高帝親兄且故代王也。

三年立閩越君搖爲東海王 搖、漢紀作繇。案搖與繇同。漢書徭役字皆作繇。

注在吳郡東南濱海云 閩本無云字。

四年七月乙亥未央宮凌室災 五行志作十月。漢紀作三月。

六年六月舞陽侯噲薨 侯薨不書。噲何以書。高后時諸呂顛權用事。大臣側目。噲尙剛直。未必黨同。劉

氏安危所繫。故特書。

高后紀

太子立爲皇帝。他紀皆云。某日太子卽皇帝位。此處書法不同。蓋呂后臨朝稱制。與自立無異。且太子是後宮美人之子。非孝惠子。不旋踵而爲呂后幽廢。與恆山王無異。故變文書之。

迺立兄子呂台產祿台子通四人爲王。通后紀七年及外戚傳。竝作建四王。台爲呂王。產爲梁王。祿爲趙王。通爲燕王。

元年初置孝弟力田二千石者一人。二千石指郡國守相也。案其文義。當是二千石各一人。猶言令各舉一人也。若卽以二千石秩加之。必不能如此之優。顏說非是。

強爲淮陽王注韋昭曰。今陳畱郡。畱字衍。

三年江水溢流民四千餘家。江水下脫漢水。南雍本。閩本俱有之。五行志作漢中南郡大水。漢紀亦作江水。漢水溢流。

注所謂莢錢者。者南雍本。閩本俱作也。

七年九月燕王建薨。建當作通。九月。荀紀作八月。

八年封中謁者張釋卿爲列侯。高帝約非有功不侯。恩澤侯自張釋卿始書之于紀。惡其爽約也。燕王澤傳作大謁者張卿。恩澤侯表作張釋。史記表及後漢書襄楷傳。又作張澤。此又作張釋卿。本紀表傳不同。

注其有加愚者。愚。閩本作異。

江水漢水溢流萬餘家。五行志漢中南郡水復出流六千餘家。沔水流萬餘家。

過其姑呂頹。呂頹樊噲妻也。說文頹女字也。賈侍中說楚人謂姊爲頹。離騷女頹之嬋娟。王逸曰屈原

姊也。詩正義引鄭注周易歸妹以須亦云屈原之姊名女須。是須與頹古字通。呂頹爲呂后姊也。

適令持節矯內勃北軍。內讀爲納。下母內相國產殿門。殿門弗內。竝同。

文帝紀

母曰薄姬。注如淳曰姬音怡。衆妾之總稱。如說是也。六朝人稱妾母爲姨。卽此意。但不知姬有怡音。因

變文爲姨。此俗閒之謬耳。攷爾雅釋親妻之姊妹同出爲姨。豈可以稱衆妾。小顏謂姬不當音怡。失之。

丞相臣平太尉臣勃大將軍臣武御史大夫臣蒼注服虔曰武柴武。大昭案服說非也。若柴武爲大將

軍。位又在御史大夫之上。則權貴無比公卿。表不應失書。攷高五王傳漢聞齊王舉兵。相國呂產等遣

大將軍穎陰侯灌嬰將兵擊之。嬰至滎陽。乃謀曰。諸呂舉兵關中。欲危劉氏而自立。今我破齊還報。是

益呂氏資也。乃畱兵屯滎陽。使人諭齊王及諸侯與連和。以待呂氏之變。而共誅之。又灌嬰傳云。呂后

崩。呂祿等欲爲亂。齊哀王聞之。舉兵西。呂祿等以嬰爲大將軍往擊之。嬰至滎陽。乃與絳侯等謀。風齊

王以兵誅諸呂。齊兵不前。絳侯旣誅諸呂。嬰自滎陽還。與絳侯陳平共立文帝。於是益封嬰三千戶。爲

太尉。觀本紀元年。詔書益封戶邑者。止有太尉勃丞相平將軍嬰。而無名武之大將軍。則其爲灌嬰何

疑。嬰之大將軍是呂祿等所置。故公卿表不載。至棘蒲侯柴武爲大將軍。其事在三年。因濟北王反。遣

武擊之事已即罷。故表亦不載。服氏謂文帝即位之初。即有大將軍柴武失之遠矣。

宗正臣郢注文穎曰劉郢。案百官表。高后二年。上郢侯劉郢客爲宗正。又王子侯諸侯王表。竝作郢客。而史記表與此紀俱作郢。

臣謹請陰安侯注蘇林曰高帝兄伯妻。案漢書婦人封侯者四。陰安之外。蕭何夫人爲鄼侯。呂嬃爲臨

光侯。文紀注作林光誤。奚涓母底爲重平侯。

遂即天子位。他帝皆云卽皇帝位。此獨云天子者。孝文謙讓再三而後踐阼。不敢以美稱自居。史家著其謙德。

元年詔曰天下人民未有慝志。史記慝作嘽。荀子榮辱篇臭之而無嘽於鼻。楊倞注。嘽當爲慝。蓋義與慝同。

或跖於死亡。說文跖。壁危也。

二年十月丞相陳平薨。丞相薨。例書日。不書姓。惟陳平。灌嬰。書姓。不書日。申屠嘉。不書日。翟方進。書姓。仍書日。

爲吏及詔所止者遣太子。謂遣列侯太子之國。

注憫猶介然也。史記集解引漢書音義。憫下有然字。

初與郡守爲銅虎符。說文琥發兵。瑞玉爲虎文。蓋用兵取其威武。故玉與銅皆用虎也。

三年其爲遂率列侯之國。遂南雍本閩本作朕字。

註誤吏民。說文註誤也。史記張儀傳。夫不顧社稷之長利。而聽須臾之說。註誤人主。無過此者。

四年九月封齊悼惠王子七人爲列侯。案王子侯表。悼惠王子十人。皆以五月甲寅封。此作七人。又作九月。皆誤。

十四年建成侯董赫內史欒布皆爲將軍。建成侯董赫。史記孝文紀作成侯赤。徐廣曰。赤姓董。漢書匈奴傳作成侯董赤。功臣表及漢紀俱無建成侯董赫。但有成敬侯董濞。孝惠元年。康侯赤嗣。是建成侯

衍建字。赫赤古字通。又攷百官表。文十四年。有內史董赤。而無欒布。布傳又不言曾爲內史。竊意內史二字。當在成侯之上。

後元年無有所隱。閩本隱下有也字。

二年結徹於道。徹古轍字。南雍本閩本作輶。

四年四月丙寅晦日有蝕之。五行志作丙辰。

六年呂中大夫令免爲車騎將軍。漢紀令免作李勉。今作令免。字之誤也。徐廣以爲中大夫令是官名。

小顏以爲文帝時尙無此官。其人姓名免。二說皆誤。

故楚相蘇意爲將軍。漢紀意作隱。案意隱古字通。春秋季孫意如。公羊傳作隱如。七年夏六月。案五行志及荀悅漢紀。是年正月辛未朔日有食之。本紀失載。

姪帶無過三寸。姪當爲經。南雍本。閩本及漢紀竝作經。

景帝紀

高廟酎奏武德文始五行之舞。鄭司農注春官大胥云。漢大樂律曰。卑者之子不得舞。宗廟之酎。除吏二千石到六百石。及關內侯到五大夫。子先取適子。高七尺已上。年二十到三十。顏色和順。身體脩治者。以爲舞人。

減者欲不受獻。罪人不帑。不誅亡罪。不私其利也。案不私其利也。五字當從閩本。在不受獻之下。耆古

嗜字。孟子耆秦人之炙。孫奭音義云。耆本亦作嗜。小顏曰。帑讀與拏同。攷毛詩禮記漢書。皆作帑。尙書

孟子作拏俗字也。起於呂忱字林。見張參五經文字。

遣御史大夫青翟至代下。案翟字衍。百官表作陶青。

廷尉信謹與丞相議。信廷尉名。百官表孝文後元年。有廷尉信。

二年十二月有星孛於西南。漢紀作十一月。

封故相國蕭何孫係爲列侯。功臣表。孝景二年。侯嘉以則弟紹封二千戶。本傳與表及漢紀皆同。係當

作嘉。

三年二月壬子晦。日有蝕之。五行志作壬午晦。漢紀作辛巳朔。

四年十月戊戌晦。日有蝕之。五行志漢紀皆不載。

七年正月廢皇太子榮爲臨江王。表作十一月己酉。

中元年封故御史大夫周苛周昌孫子爲列侯。注師古曰封苛之孫及昌之子也。案顏說非是。功臣表

高景侯周成以父苛功爲侯。孝文時有罪。國除。孝景中元年。侯應以成孫紹封。史記同。則應乃苛之曾

孫。不得謂之孫矣。又云汾陰悼侯周昌再傳至孝文時有罪。國除。孝景中元年。俗本作中侯左車以昌

孫紹封爲安陽侯。昌傳亦以左車爲昌孫則左車乃昌孫。非昌子也。孫子二字當有闕誤。小顏未之攷耳。

二年九月封故楚趙傅相內史前死事者四人子。功臣表皆云四月丁巳封。

三年春正月皇太后崩。予謂此七字衍。史記及漢紀俱無此事。

九月立皇子乘爲清河王。表云三月丁酉立。

四年起德陽宮。閩本作陽德宮。注竝同。

五年立皇子舜爲常山王。表云三月丁巳立。

六年四月梁王薨。梁王武不書名。疑轉寫者脫之。

後二年詔曰。姦法與盜盜甚無謂也。謂閩本作異。

今嘗算十以上乃得宦。董仲舒傳云。選郎吏又以富嘗。未必賢也。

贊罔密文峻。罔古網字。

漢書辨疑卷二

武帝紀

封皇太后同母弟田蚡勝。說文鼯地行鼠。伯勞所作也。一曰偃鼠。重文作蚡。

建元二年注本槐里之縣茂鄉。之縣二字。南雍本闕本竝倒轉。

廢遷防陵。表傳竝作房陵。

五年春罷三銖錢。五行志及漢紀。是年正月己巳朔。日有蝕之。紀失載。

注王王后之母武帝然祖母。王后當作皇后。然當作外。

六年春二月乙未遼東高廟災。五行志作六月丁酉疑誤。

八月有星孛於東方長竟天。此卽蚩尤旗也。五行志云。長星出於東方長終天。三十日去。

遣大行王恢將兵出豫章。大司農韓安國出會稽擊之。案大行當作大行令。百官表云。典客秦官。景帝

中六年更名。大行令表中。建元五年。有大行令王恢。大司農當作大農令。百官表云。治粟內史。景帝後

元年更名。大農令武帝。太初元年更名。大司農表中。建元三年。北地都尉韓安國爲大農令。故太初以

前表所載惠殷。鄭當時。顏異。正夫。孔僅。劉安國。張成等皆大農令。至桑羊以後。乃稱大司農。然則建元

時不當有大司農無疑也。

越人殺郢降 越上當有閩字。

元光元年注以三星見 三當作長。

夏四月 案五行志及漢紀二月丙辰晦日有食之本紀不載。

海外肅脊 古文慎作脊不從目。

欲刷恥改行 貨殖傳刷會稽之恥師古曰謂拭除之。

元朔元年匈奴入遼西殺太守入漁陽雁門敗都尉 敗閩本作殺。

二年三月乙亥晦日有蝕之 五行志作二月乙巳晦。

六年 五行志是年十一月癸丑晦日有蝕之漢紀作癸酉此不載。

元狩元年忱於邪說 忱讀若誑說文誑誘也食貨志云善人忱而為姦邪李奇曰忱誘也動心於姦邪也。

注應劭曰狃快也 陳景雲曰狃快二字當乙應氏本蓋以忱為快也。景雲字少章長洲人有兩漢訂誤四卷

元鼎二年夏大水關東餓死者以千數 據魏相傳是時平原勃海太山東郡溥被災害。

四年立后土祠於汾陰脍上 說文鄆河東臨汾地即漢之所祭后土處从邑癸聲鄆正字脍借用字漢

舊儀又作葵司馬貞曰蓋河東呼誰與葵同耳酈道元分鄆丘與脍為二失之。

注此於觀為衛公 此閩本作封建武十三年封姬常為衛公郡國志衛公國本觀。

注利長先作土人持勒幹於水旁。作疑當作使。

獲祭於廟。祭南雍本閩本竝作薦。

拜況于郊。況古貺字。僖十五年左右氏傳。女承筐。亦無貺也。釋文本亦作況。子虛賦來況齊國。爾雅釋詁。貺。賜也。

遣伏波將軍路博德出桂陽下湟水。湟水。小顏無注。當作涯水。音相近而誤。水經涯水出桂陽縣盧聚東南。過含涯縣南。出涯浦關。爲桂水。地理志南海郡中宿縣有涯浦關。此正伐南越之道。若是湟水。則出金城臨羌塞外。與此不相涉。

歸義越侯嚴爲戈船將軍。嚴漢紀作嚴助。非是。嚴助未嘗封侯。依張晏說。以爲故越人降爲歸義侯。則越字當在歸義之上。如下文越馳義侯遺之例矣。功臣表亦無此侯。

甲爲下瀨將軍。不知其名。謂之甲也。甲。漢紀作祖廣明。

六年郎中令一自爲征西羌。一當作徐。百官表。元狩六年有郎中令徐自爲。

珠崖儋耳郡。賈捐之傳云。二郡皆在南方海中。洲居廣袤。可千里。合十六縣。戶二萬三千餘。始元五年。罷儋耳郡。并屬珠崖。初元三年。并罷珠崖。

元封元年親登嵩高。嵩。閩本作崇。案嵩字說文新附章昭注。國語云。嵩古通用崇。郊祀志作密高。注比古制也。比。南雍本。閩本皆作此。

秋有星孛于東井又孛于三台 五行志作五月。

三年作角抵戲 刑法志云戰國稍增講武之禮以爲戲樂用相夸視而秦更名角抵蓋古有此戲今復作之。

五年舳艫千里 說文舳艫也漢律名船方長爲舳艫一曰舟尾艫舳艫也一曰船頭。

故馬或奔蹏而致千里 李善曰言馬不良或奔或蹏御之以道而致千里之塗越絕書曰有高世之材者必有負俗之累也。

夫泛駕之馬 應劭曰泛覆也馬有餘氣力乃能敗駕。

太初二年臘五日 諸家以臘爲緡臘緡臘者立秋時行之後漢書劉聖公傳欲以立秋日緡臘時共劫更始是也此臘行於三月恐非其義說文解字臘楚俗以二月祭飲食也一曰祈穀食新曰離臘繫傳本無

離字其說近之。

注即得所築城 得閩本作徐。

注則搜索踰侈者也 閩本無則搜二字。

天漢四年 據後漢書西南夷傳是年省沈黎郡并蜀爲西部。

太始元年徙郡國吏民豪桀于茂陵雲陵 小顏以爲當言雲陽其說是也荀紀云陵在雲陽。

夏六月 五行志及漢紀是年正月乙巳晦日有蝕之。

二年九月募死罪人贖錢五十萬減死一等。顧炎武曰：此與天漢四年一事重見。又同是九月。案漢紀亦重載。蕭望之傳望之所引。止言天漢四年。不云太始二年。復有詔也。

征和二年更節加黃旄。劉屈氂傳云：初漢節純赤。以太子持赤節。故更爲黃旄。加上以別之。

立趙敬肅王子偃爲平王。平下脫干字。南雍本。閩本皆有之。孟康曰：平干今廣平。

後二年注帝年十七卽位。漢紀云年十六。

昭帝紀

孝昭皇帝注荀悅曰：諱弗之字曰不。案昭帝初名弗陵。武帝後元二年立皇子弗陵爲皇太子是也。後

但名弗。故諱弗。不諱陵。

母曰趙婕妤。說文：婕，女子也。嫵，女字也。讀若余。二字連文。知許氏以婕嫵爲婦官名。史記外戚世家尹

婕妤。韋昭曰：婕承好助也。一曰美好也。

始元元年益州廉頭姑繪牂柯談指同竝二十四邑皆反。談指同竝二縣屬牂柯。廉頭姑繪益州郡無

此二縣。

遣水衡都尉呂破胡募吏民。案西南夷傳：百官表竝作呂辟胡。師古音辟爲璧。

齊孝王孫劉澤謀反。劉澤書姓以其謀反。外之使若異姓然。

皆以前捕斬反虜重合侯馬通功。討馬通事在武帝後元元年。

五年軍正王平擊益州 此卽上文故廷尉王平也。

元鳳元年龍雒侯韓增 增表作曾。雒宣紀作雒。竝誤。

丞相少史王壽 下文封廷年倉宮壽。則其人名壽。功臣表作王山壽。補史記作王山。

四年帝加元服 惠帝紀云。皇帝冠與此書法不同。博物記孝昭皇帝冠。辭曰。陛下擯顯先帝之光曜。以

承皇天之嘉祿。欽奉仲春之吉辰。普尊大道之郊域。秉率百福之休靈。始加昭明之元服。推遠沖孺之

幼志。蘊積文武之就德。肅勤高祖之清廟。六合之內。靡不蒙德。永永與天無極。

孝文廟正殿火。太常坐大不敬。會赦。太常轅陽侯德免爲庶人。注文穎曰。轅音料。德江德也。轅陽在魏郡。

清淵 案百官表。始元六年。轅陽侯江德爲太常。四年坐廟夜郎飲失火。免。與本紀同。水經淇水注云。

昭帝封太常江德爲榆陽侯。攷史記。補表作遼陽侯江德。田廣明傳。廢嗇夫江德封轅陽侯。田延年傳。

上封德轅陽侯。而功臣表止有轅陽侯江喜。又不言其有罪免官。或疑別是一人。然江喜不見史傳。而

江德則確鑿可據。其爲名德無疑。變文爲喜者。傳寫之誤。不言有罪免官者。免官而不免侯也。郊祀志

有轅陽侯。師古曰。江仁也。元帝時。坐使家丞上印綬。隨宗學仙。免官。江仁卽江德之子也。

贊亦有燕盍上官逆亂之謀。盍與蓋同。卽長公主。

宣帝紀

孝宣皇帝注。荀悅曰。詢之字曰謀。帝初名病已。元康二年改名詢。

每買餅所從買家輒大讎。古售字作讎。史記高祖本紀。每酤留飲酒讎數倍。索隱曰。樂彥云。借讎爲售。蓋古字少段借耳。今亦依字讀。

就齊宗正府。齊讀爲齋。

本始元年車騎將軍光祿勳富平侯安世萬戶。注李斐曰。居光祿位以車騎官號尊之。無車騎官屬。案李說非也。百官表元鳳元年光祿勳張安世爲右將軍。光祿勳六年遷。元平元年右將軍安世爲車騎將軍。光祿勳七年遷。是安世初爲右將軍。光祿勳故表云。光祿勳并右將軍也。迨改官車騎。仍兼光祿勳車騎。本非加銜。安得謂之無官屬乎。

杜侯屠耆堂。堂字衍。功臣表但云屠耆本紀。五鳳三年匈奴虛閭權渠單于死。右賢王屠耆堂代立。非杜侯也。霍光傳亦誤作屠耆堂。說者乃謂功臣表脫堂字。誤矣。

注成帝侍內郡舉方正。侍南雍本。閩本竝作時。

賜天下人爵各一級。人當作民。

四年廣川王吉有罪廢。坐烹姬不道。吉表傳及漢紀皆作去。

地節元年有星孛於西方。五行志云。去太白二丈所。

二年光祿大夫平丘侯王遷有罪下獄死。坐平尙書聽請受臧六百萬。

五日一聽事。目下各奉職奏事。聽事下南雍本。閩本竝有自丞相三字。

清河王年有罪廢 坐鳥獸行

元康元年庶不允諧 不南雍本閩本竝作尹

骨肉之親粲而不殊 漢紀作放而不誅案昭公元年左氏傳周公殺管叔而蔡蔡叔注云蔡放也陸氏

釋文云上蔡字音素葛反說文作粲从殺下米此作粲字粲之誤也漢書多古字故作粲

神爵二年屢獲天福 屢漢書皆作婁此獨不然誤

五鳳元年左馮翊韓延壽有罪棄市 坐誣愬典法大臣欲以解罪

二年匈奴呼遼累單于帥衆來降 卽義陽侯厲溫敦

平通侯陽暉 陽南雍本作楊閩本作揚

甘露元年二月丁巳大司馬車騎將軍延壽薨 表與漢紀俱作三月

太上皇廟火 五行志作中山太上皇廟災

二年遣護軍都尉祿將兵擊珠崖 祿漢紀作張祿

行幸蕢陽宮注應劭曰宮在鄠秦文王所起 東方朔傳作倍陽李斐音蕢爲倍故字又作倍負倍古通

用夏本紀負尾地理志橫尾山古文以爲倍尾月令云王蕢生呂覽作王菩穆天子傳注云蕢今菩字

皆其證也說文鄠右扶風鄠鄉讀若陪鄠鄉卽蕢鄉宮在其鄉故以名焉鄠正字蕢倍竝段借用耳

詩云率禮不越 毛詩禮作履古禮與履通蕭望之傳及韓詩外傳說苑竝引作率禮

三年單于罷歸之長樂衛尉高昌侯忠 之當作遣南雍本閩本並不誤。

詔諸儒講論五經同異太子太傅蕭望之等平奏其議上親稱制臨決焉 案是時與議石渠者易家博

士沛施雋黃門郎東萊梁丘臨書家博士千乘歐陽地餘博士濟南林尊譯官令齊周堪博士扶風張

山拊謁者陳畱假倉詩家淮陽中尉魯韋元成博士山陽張長安沛薛廣德禮家梁戴聖太子舍人沛

聞人通漢公羊家博士嚴彭祖侍郎申輓伊推宋顯許廣穀梁家議郎汝南尹更始待詔劉向梁周慶

丁姓中郎王亥其可考者凡二十三人議奏之見於藝文志者書四十二篇禮三十八篇春秋三十九

篇論語十八篇五經雜議十八篇凡一百六十五篇易詩二經獨無議奏班氏失載之耳

迺立梁丘易大小夏侯尚書穀梁春秋博士 漢紀有公羊春秋左氏傳七字蓋誤也劉歆傳可證

四年廣川王海陽有罪廢 坐殺人

元帝紀

大臣楊惲盍寬饒等 盍南雍本閩本作蓋

奈何純住德教 住當作任

初元二年嚴籛池田假與貧民 嚴古籛字說文籛雉射所蔽者也籛禁苑也應劭曰籛在池水上作室

可用棲鳥鳥入則捕之應說見文選注

乃二月戊午地震於隴西郡 地震事見詔書故於二月不書避重出

毀落太上皇廟殿壁木飾。案高帝紀十年八月，令諸侯王皆立太上皇廟于國都隴西郡，非諸侯王都。何以有此廟所未解也。又攷惠帝紀，令郡諸侯王立高廟，此所毀落者，或是高廟歟。

注師古曰：煬音供養之養也。師古，南雍本，閩本皆作鄭氏說。

令從官給事宮司馬中者，注應劭曰：司馬中者，宮內門也。案漢舊儀：皇帝起居儀，宮司馬內百官，案籍

出入營衛周廬，晝夜誰何。殿外門署屬衛尉，殿內郎署屬光祿勳，黃門鉤盾署屬少府。

十二月丁未，御史大夫貢禹卒。案是年御史大夫陳萬年先卒，不知何以不書。

注雍讀曰：曰下脫壅字。

注稼或作臧。臧，南雍本，閩本竝作桑。

永光二年，吏六百石以上爵五大夫，勤事吏各二級。爵自五大夫以上爲官爵，故必六百石以上乃賜

之。其勤事吏之二級，民爵也。

四年六月甲戌，孝宣園東闕災。五行志作孝宣杜陵園東闕南方災。

注永上有職事者。事，南雍本，閩本竝作字。

家有不安全之意。不安，閩本作不自安。

五年秋，潁川水出流，殺人民。五行志是年夏及秋大水，潁川、汝南、淮陽、廬江，雨壞鄉聚民舍，及水流殺

人。

注蛾若今之蠶蛾類也。閩本若字上有成羣二字。

建昭元年冬河閒王元有罪廢。坐殺人。

二年益三河郡太守秩。漢紀云益秩中二千石。

竟寧元年注應劭曰。虜韓邪單于願保塞邊。竟得以安寧。故曰冠元也。案應說是也。說文無境字。竟卽境也。且其詔曰。邊垂長。無兵革之事。意義顯然。小顏拘泥詔中長字。故以竟爲終極之言。果如其說。在漢人文義必曰永寧矣。

御史大夫延壽卒。延壽不書姓疑脫。

注帝年二十七卽位。漢紀元帝卽位年二十六。據本紀云年二歲。宣帝卽位則荀紀是。

贊元帝多材藝。善史書。注應劭曰。周宣王太史史籀所作大篆。三史拾遺曰。應說非也。漢律太史試學

童。能諷書九千以上。乃得爲史。貢禹傳。武帝時盜賊起。郡國擇便巧史書者。以爲右職。俗皆曰。何以禮

義爲史書而仕宦。蓋史書者。令史所習之書。猶言隸書也。善史書者。謂能識字作隸書耳。豈皆盡通史

籀十五篇乎。外戚傳。許皇后聰慧。善史書。西域傳。楚主侍者馮嫫能史書。王尊傳。少善史書。後漢書安

帝紀。年十歲好學史書。皇后紀。鄧皇后六歲能史書。梁皇后少好史書。章八王傳。安帝所生母左姬善

史書。齊武王傳。北海敬王睦善史書。當世以爲楷則。明八王傳。樂成靖王黨善史學。喜正文字。諸書所

稱善史書者。無過諸王后妃嬪御之流。略知隸楷。已足成名。非真精通篆籀也。魏史管寧傳。潁川胡昭

善史書。與鍾繇、邯鄲淳、衛顛、韋誕，竝有尺牘之迹。動見楷則。史書之卽隸書明矣。有古之風烈。閩本風烈下有也字。

成帝紀

六月己未太子卽皇帝 己未誤荀紀作乙未。

建始元年皇曾祖悼考廟災 五行志作皇考廟災。

有星孛于營室 五行志青白色長六七丈廣尺餘。

二年三輔長無共張繇役之勞 張晏曰張帷帳也。文選東都賦注引 小顏以爲供具張設故不取其說。

三年秋關內大水 五行志是年夏大水三輔霖雨三十餘日郡國十九雨山谷水出凡殺四千餘人。

七月虜上小女陳持弓 五行志作十月丁未。

十二月戊申朔日有蝕之 谷永傳云日食嫠女之分。

四年罷中書宦官注臣瓚曰漢初中人有中謁者令孝武加中謁者令爲中書謁者令置僕射 案瓚說

非也百官公卿表少府有中書謁者黃門鈎盾尙方御府永巷內者宦者八官令丞諸僕射署長中黃

門皆屬焉又曰成帝建始四年更名中書謁者令爲中謁者令然則漢初但有中書謁者令成帝罷中

書之名改爲中謁者令耳豈得謂武帝所加乎僕射亦非孝武始置。

初置尙書員五人 漢官儀云尙書四員武帝置成帝加一爲五有侍曹尙書戶曹尙書主客尙書二千

石尙書成帝加三公尙書主斷獄事。見後漢書光武紀注。

中謁者丞陳臨百官表有中書謁者令丞是時令已改爲中謁者則丞亦改矣故有中謁者丞

注言令陳農爲使而吏反下使使之求遺書也上使音所讀如本字 吏反下使四字當在音所二字之下。

河平四年遣光祿大夫博士嘉等十一人 嘉漢紀作孟嘉。

行舉瀕河之郡 瀕與顛同俗作濱。

困乏不能自存者財振貸 古財與裁通泰卦象曰后以財成天地之道荀爽本財作裁荀子非十二子篇一天下財萬物楊倞注云財與裁同史記封禪書民里各自財以祠漢書作自裁。

陽朔二年黎民於蕃時雍 蕃當音薄河切蕃變聲相近。

三年潁川鐵官徒申屠聖等 案潁川陽城有鐵官。

四年先帝劬農 爾雅釋詁劬勉也說文亦云劬勉也讀若舜樂韶。

服田力耆 耆古穡字詩伐檀云不稼不穡石經魯詩殘碑作耆書無逸云先知稼穡之艱難蔡邕石經作耆商書舍我穡事史記作耆。

鴻嘉元年以新豐戲鄉爲昌陵縣奉初陵 郡國志新豐有戲亭三輔舊事云成帝作延陵及起廟竇將軍有青竹田在廟南恐犯蹈之言作陵不便乃徙作昌陵取土十餘里土與粟同價。御覽三十七永始元年

詔曰。作治五年。客土疏惡。正謂此也。

二年博士行飲酒禮。漢紀作行鄉飲酒禮。

三年孝景廟闕災。五行志作北闕。

廣漢男子鄭躬。男子五行志作鉗子。師古曰。鉗。徒也。

永始元年。戾后園闕火。五行志作南闕。

其罷昌陵及故陵。陳景雲曰。及當作反。先是劉向諫昌陵事。有宜還復故陵之請。而次年詔言侍中衛

尉長數白。宜早止徙家反故處。故處。卽故陵也。反故陵。謂仍還渭城延陵。

三年殺陳畱太守。太守嚴普也。見天文志。

四年霸陵園闕災。五行志作孝文霸陵園東闕南方災。

元延元年。昭儀趙氏害後宮皇子。書之爲後宮專寵者戒。

綏和元年。封中山王舅諫大夫馮參爲宜卿侯。卿當作鄉。

贊升車正立。不內顧。不疾言。不親指。注師古曰。不內顧者。謂儼然端嚴。不迴眄也。此三句者。本論語鄉黨

篇。今論語云。車中不內顧。不疾言。不親指。內顧者。說者以爲前視。不過衡軛。旁視。不過輪較。與此不同。

如小顏說。則古本論語。是車中內顧也。前視。不過衡軛。旁視。不過輪較。非漢儒不能有此精確。詰訓。

唐本尙不誤。注中今論語。不內顧。衍不字。贊中不字。疑亦是後人所加。師古不能舉正之耳。

哀帝紀

追尊傅父爲崇祖侯。丁父爲褒德侯。追尊之侯。表例不載。

曲陽侯王根成都侯王況皆有罪。坐山陵未成。置酒歌舞。

建平二年時詔夏賀良等建言改元易號。時當作待。

三年帝太后所居桂宮正殿火。正殿五行志作鴻寧殿。

平帝紀

少府董恭等皆免官爵。案公卿表。建平四年。光祿大夫董恭爲少府。元壽元年。遷衛尉。二月爲光祿大

夫。此仍云少府者。蓋是時官職遷徙無常。恭是董賢之父。當哀帝時。不應致仕。或以光祿大夫仍爲少

府也。

性者有司多舉奏赦前事。性當作往。

元始元年追諡孔子曰褒成宣尼公。宣尼之號始見於此。晉劉琨詩。宣尼悲獲麟。

二年賜故曲周侯酈商等後元孫酈朋友等爵關內侯。案功臣表。朋友是商元孫之孫。此誤。

罷安定呼池苑以爲安民縣。注師古曰。中山之安定也。池音大河反。案顏說非也。中山無安定縣。若以

爲近於虛池河。亦當在河閒國之樂成弓高閒矣。

三年鄉曰庠。聚曰序。韋昭曰。小於鄉曰聚。見文選東都賦注。此顏注所本。

注以陸高祖元孫之親。陸闔本作睦。

注故爲之傳。爲當作謂。

注因到獵日。獵當作臘。

五年 五行志是年七月己亥。高皇帝原廟殿門災。盡。本紀不書。

葬康陵。孝平爲莽所鳩。不書弑者。春秋諱內大惡之意。惟於葬不書日。以示變例。
注賸之言送。送下。南雍本闔本有也字。此誤刻于又音孕之下。

漢書辨疑卷三

異姓諸侯王表

殷周之王乃繇离稷。說文偃高辛氏之子。堯司徒殷之先。从人契聲。又曰。离、蟲也。从虫象形。讀與偃同。

离古文离。是离即契也。

目德若彼用力如此其艱難也。尋顏注則艱當作藉。說文艱土難治也。籀文艱从喜。

漢元年 是年歲在乙未十月受秦王子嬰降。

一月注應劭曰十八王同時稱一月。此一月據本紀是乙未歲之第五月。漢都南鄭獨不載。所以別於

十八王。

五年王韓信始都下邳。

五年芮徙長沙。本紀王長沙豫章象郡。桂林南海等郡。

子尉嗣為王。尉史記作謹。

王趙歇始下云二十七。歇以二世二年正月立為趙王。至項羽改封歇為代王。凡二十七月也。膠東之

二十。遼東之三十一。漢書作三十。誤。今從史記。魏之十九。韓之二十二。竝放此。

王田市始故齊將。項羽傳徙齊王田市為膠東王。此當云故齊王。

綰反降匈奴 本紀在十二年表在十一年誤。

漢元年十月王韓信始漢立之 項羽誅韓王成後羽以故吳令鄭昌爲韓王距漢至是時鄭昌降漢漢乃立韓太尉爲韓王言漢立之者別於楚所立。

信徙太原 本紀六年以太原郡三十一縣爲韓國徙韓王信都晉陽。

王彭越始 都定陶。

王鄭昌始項王立之 誤下一格。

初置魯國 當在高后元年下今在七年下誤也初置淮陽國復置常山國初置呂國其誤同。

高后六年嘉坐驕廢王呂產始 誤下一格。

高后二年共王若嗣 若傳作右非。

孝文二年靖王產嗣 產傳作差史記作著皆形相似而訛。

諸侯王表

有逃責之臺注劉德曰洛陽南宮諺臺是也 說文諺離別也周景王作洛陽諺臺。

姍笑三代 說文姍誹也。

武帝施主父之冊 冊與策同。

漢諸侯王厥角齧首 說文齧下音也齧古稽字。

楚元王交 傳云王薛郡東海彭城三十六縣本紀云以碭郡薛郡郟郡三十六縣立弟文信君交爲楚王史記世家云王淮西三十六城惟吳王傳則云元王王楚四十城其數與諸篇不合傳云東海紀作郟郡郟郡卽東海也碭卽梁國高帝五年旣以梁封彭越元王何由得之本紀誤

文王禮三年薨 傳作四年

襄王注嗣 注史記世家作經

十二年薨 傳及世家作十四年

代王喜 喜傳作仲漢紀云次兄曰喜字仲本紀以雲中雁門代郡五十三縣立兄宜信侯喜爲代王表

不云以宜信侯立猶楚元王之不言文信君也

七年爲匈奴所攻棄國 史記作九年誤

吳王濞 傳云王三郡五十三城當是吳會稽鄣三郡伍被傳云王四郡之衆

齊悼惠王肥 本紀云王膠東膠西臨菑濟北博陽城陽七十三縣吳王傳云孽子悼惠王王齊七十二

城漢紀云王七十縣攷曹參傳定齊郡凡得七十縣又云參之相齊齊七十城漢紀是 孝惠二年獻

城陽郡爲魯元公主湯沐邑高后元年割濟南郡予呂王七年割琅邪郡立劉澤爲琅邪王文帝元年

復以城陽琅邪濟南予齊

正月壬子立 高五王傳但云正月立史記作正月甲子證以本紀則壬子是甲子非也

孝文十六年孝王將閭以悼惠王子楊虛侯紹封。案高五王傳齊濟北、菑川、膠東、膠西、濟南六王同日俱立。此表於五王之封皆云四月丙寅，而齊孝王獨闕。蓋紹封之王例不書月日也。六王之封文帝紀皆作五月。

城陽惠王武十二年薨。閩本及傳作十一年。

荒王順。順史記作賀。

王儷以雲弟紹封。傳作雲兄。

菑川考王尙六年薨。傳作五年。

懷王友。閩本及傳作交。此友字誤。

濟南王辟光以悼王子扞侯立。悼下脫惠字。師古曰。扞音力。案服虔音勒。扞平原縣。

膠西王卬。景帝時有罪。削六縣。見吳王傳。

膠東王熊渠。高五王傳作雄渠。

荆王賈。王東陽郡、鄆郡、吳郡五十三縣。見本紀。世家云。王淮東五十二城。

高帝從父弟。傳作從父兄。

淮南厲王長十一年十月庚午立。史記作十二月。

淮南王安衡山王賜濟北王勃表皆云四月丙寅封。本紀作五月。

濟北成王胡 成傳作式。史記作武。

王寬謀反自殺。案本傳寬坐與父式王后光姬孝兒姦。諄人倫自殺。非謀反也。

趙隱王如意九年四月立。案本紀七年十二月辛卯立爲代王。九年正月徙。趙紀云正月表云四月。蓋本紀猶用秦正。作表者追改之也。表傳俱不言其自代徙封。失之略矣。

代王高后八年爲皇帝。漢書之例。凡皇帝初封之國。表中皆不書名。尊君之意也。如膠東王陽武侯皆是。

趙王遂孝文元年以幽王子紹封。元年十二月封。

燕靈王建十二年二月甲午立。史記作三月誤。

梁懷王揖。賈誼傳作小子勝。史記亦作勝。

十年薨亡後。本紀十一年六月薨。表數其在位之年。紀載其薨之年。故不同。

孝王薨。孝景後元年恭王買嗣。案景帝紀中六年夏四月。梁王薨。分梁爲五國。立孝王子五人皆爲王。文三王傳同。則恭王嗣立。當亦在中六年五月丙戌。若作後元年則止。有濟川。濟東。山陽。濟陰四國。不得爲五人。且不應先封所分之四王。而恭王之嗣。反在第二年也。傳寫之誤顯然。

貞王毋傷。傳作頃王。

濟川王明以孝王子桓邑侯立。桓邑傳作垣邑。其陳畱之長垣歟。

坐殺中傅廢遷房陵。案文三王傳。坐殺其中尉。史記同。武帝紀坐殺太傅中傅。應劭曰。中傅。宦者也。攷百官表。諸侯但有太傅輔王。中尉掌武職。別無中傅之職。應仲遠以爲宦者。亦以意揣之爾。傳作中尉是。

濟陰哀王不識七年薨。七年當作一年。

代孝王參七年薨。傳作十七年。表脫十字。

河閒共王不周。傳及史記竝作不害。周字誤。

剛王基。基傳及史記作堪。

頃王緩。緩傳及史記作授。

孝王慶四十七年薨。傳作四十三年是。

惠王良。綏和二年益封萬戶。

魯共王餘二十八年薨。紀作元朔元年。史記作元光六年。

頃王封。封傳作勁。

江都易王非高帝子。高當作景。

廣世王宮。紀作廣川。傳作廣陵。案水經注陰溝水下。渦水又東逕廣鄉城北。圈。稱曰襄邑。有虵丘亭。故

廣鄉矣。改曰廣世。

趙哀王高以頃王子紹封。案哀王高當與懷王尊同行。此誤下一格。

長沙戴王庸。史記作康王。

中山懷王脩。脩傳作循。

廣平王漢。傳云哀王復立雲客弟廣漢爲廣平王。是其人名廣漢也。脫廣字。

臨江愍王榮七年十一月己酉立。本紀作正月。

廣川王汝陽。紀傳作海陽。

廣德靜王榆。榆本紀及王子侯表竝作倫。景十三王傳于中山靖王勝下云。哀帝復立雲客弟廣漢爲

廣平王。薨無後。平帝元始二年復立廣川惠王曾孫倫爲廣德王。奉靖王後于廣川惠王越下云。元始

二年復立戴王弟襄隄侯子療爲廣德王。奉惠王後。論者遂疑元始中同時有兩廣德王。殊不知成帝

鴻嘉二年以丹陽之黟縣置廣德國。封雲客爲王。奉靖王後。未久而亡。後國除。哀帝建平三年復封雲

客弟廣漢于廣平。至王莽篡乃廢。是中山靖王元始中未嘗乏祀。何必以廣川惠王之曾孫爲後乎。中

山王傳中薨無後。平帝元始二年至奉靖王後二十六字。竝是衍文。廣德國廢而復置。非有兩廣德也。

以惠王曾孫戴王子紹封。案王子侯表襄隄侯聖。廣川繆王子聖。子倫爲廣德王。傳云戴王弟襄隄侯

子。此表戴王下脫弟字。

膠東哀王賢十四年薨。傳作十五年。

恭王授 恭傳作共古字通用。

王殷嗣王莽篡位貶爲公。按莽傳改殷爲扶崇公。殷弟徐鄉侯快起兵。殷自繫獄。益邑滿萬戶。地方百里。

六安恭王慶元狩二年立。案景十三王傳慶與兄膠東王賢同封。賢之封在三年。此亦宜然。本紀作三年是。

夷王祿十四年薨。四字衍。傳作十年。

繆王定二十三年薨。傳作二十二年是。

真定孝王由。由閩本作申。

共王普。共後漢書郭后紀作恭。

泗水思王商十五年薨。五字衍。傳及史記竝作十年。

勤王綜。綜當從紀傳作煖。

廣陽王嘉王莽篡位貶爲公。案武五子傳。王莽時皆廢漢藩王爲家人。獨嘉以獻符。命封扶美侯。賜姓

王氏。

廣陵共王意十三年薨。十字衍。傳作三年。

哀王護。閩本作護人。

昌邑哀王髡天漢四年六月乙丑立 本紀作四月。

元始元年王賀嗣 元始當作始元。

隨父兄八人 兄當作凡。

東平思王宇甘露二年十月乙亥立 本紀作九月。

王匡 是東平王開明之兄誤下一格。

中山王成都 此當在中山孝王興之下。班氏所以附於東平思王下者。天子至尊。不可與藩王竝列也。

定陶王景附于楚孝王下。亦此意。

獻書言莽德封烈侯 烈當作列。

楚孝王躡十月乙亥立爲定陶王 本紀作正月。

懷王芳 芳傳作文。

思王衍以孝王子紹封 故平陸侯。

十一年薨 傳作二十一年是。

王紆王莽篡位貶爲公子 子字衍。

定陶共王康王欣嗣綏和元年爲皇太子 案宣元六王傳。成帝無子。徵欣爲皇太子。上以太子奉大宗。

後。不得顧私親。乃立楚思王子景爲定陶王。奉共王後。此表已于楚孝王下載之。故不重出。猶中山王。

箕子爲成帝後。更立東平思王孫桃鄉侯子成都爲中山王。奉孝王後。已載在東平思王下。故中山下不再見。非闕文也。

漢書辨疑卷四

王子侯表上

或替差失軌。替師古以爲古僭字。則字當作替。

羹頡侯信。漢紀作刮羹侯。括地志羹頡山在媯州懷戎縣東南十五里。

合陽侯喜。喜史記作仲合陽。惠帝紀作郃陽。誤。高紀及吳王濞傳。與此俱作合陽。下雖不注郡名。當是

平原縣。

八年九月丙午封。本紀七年十二月赦喜爲合陽侯。

沛侯濞十一年十二月癸巳封。史記作二月癸巳封沛。沛郡縣。

德哀侯廣下注泰山。廣代頃王子濞之弟也。德功臣表屬濟南。此注泰山。疑是平原安德縣。

以兄子侯。依例當于第二格書帝兄子。

百二十。此位次也。功臣表中。軟侯黎朱蒼。亦是百二十。汲古閣本作百一十。誤。閩本作百二十。表中凡

言功比某侯者。皆以後比前。黎朱蒼百二十。劉它百二十一。故劉它功比軟侯表缺一百二十七。廣之

位次也。上邳侯郢客。一百二十八。朱虛侯章。一百二十九。廣同是宗室。位次必聯屬矣。

頃侯通。孝景三年爲宗正。

康侯懿二十四年薨。閩本作二十八年亦誤。自孝景六年至元鼎四年當云三十八年。

上邳侯郢客。說文邳奚仲之後。湯左相仲虺所封國。在魯薛縣。與地理志同。是上邳卽薛縣。東海有下邳。故此云上邳客。高后二年爲宗正。

朱虛侯章。朱虛琅邪縣。表不言初封戶數。攷文帝紀元年以首先捕斬呂產。益封二千戶。

東牟侯興居。東牟東萊縣。

管共侯罷軍。管地理志水經注竝作管。濟南縣也。共史記作恭。

四年五月甲寅封。本紀作九月。

侯戎奴孝景二年反誅。二當爲三。

氏丘共侯甯國。氏丘史記作瓜丘。俱誤。應是斥丘。魏郡縣。甯史記作寧。說文甯所願也。从用寧省聲。寧願詞也。从宀寧聲。甯與寧同。故甯陵夷侯呂臣史記作寧陵。今借爲安寧之寧。俗作甯。誤从冉。

營平侯信都。族子圻曰。功臣表有營平侯。疑此亦以營平爲地名。然史記只作營。水經注澠水出營城。

東西北流。逕營城北。文帝封劉信都爲侯國。是引證明確矣。

楊丘共侯安。地理志作楊丘。濟南縣。

楊虛侯將闔。平原縣地理志作樓虛。非是。史記作恭侯將廬。衍恭字。

枋侯辟光。枋平原縣。史記世家作勒。

十二年爲齊南王。齊當作濟。

安都侯志。正義曰。安都故城在瀛州高陽縣西南三十九里。

平昌侯印。平原縣世家作昌平。誤。地理志琅邪亦有平昌。郡國志屬北海。非印所封地。

武成侯賢。郡國志泰山郡南城。劉昭注。左傳襄十九年城武城。杜預曰。泰山南武城縣是矣。南城。漢書

屬東海。其字作成。

白石侯雄渠。正義曰。白石故城在德州安德縣北二十里。司馬貞以爲金城縣。誤矣。

阜陵侯安。九江縣。

安陽侯勃。汝南有安陽縣。司馬貞以爲馮翊。疑誤。

陽周侯賜。上郡縣括地志。寧州羅川縣。在州東南七十里。漢陽周縣。

東城哀侯良。九江縣。良當作良。

平陸侯禮。孝景元年。禮爲宗正。地理志。東平陸屬東平國。封國例有戶數。王子侯表上卷。惟載山原五

百五十戶。安郭五百二十戶。下卷。惟載富陽八百戶。新利四百戶。成鄉九百戶。成陵四百一十戶。祚陽

九百一十戶。陽興千三百五十戶。合陽千一百六十戶。承鄉二千七百戶。藉陽六百戶。膠鄉七百四十

戶。庸九百一十戶。式三百戶。釐鄉四百七十二戶。故史記所載之平陸侯禮三千二百六十七戶。休侯

富千七百五十戶。沈猶侯歲千三百八十戶。棘樂侯調千二百一十三戶。皆未之及。非無籍可攷。卽轉

寫漏落也。

休侯富更封紅侯。紅，沛郡縣。地理志作埶郡。國志作紅。春秋昭八年，蒐於紅。杜預曰：沛國蕭縣西有紅

亭。休紅二地。故云更封劉歆封紅休侯。蓋兼有之。

諡曰懿。史記作莊侯。表例諡當在封地下。

紅懷侯澄。史記作悼侯澄。

敬侯嘉。嘉，史記作發。

沈猷夷侯歲。歲，史記作穢。猷，傳作猶同。司馬貞曰：漢表在高宛。高宛，千乘縣也。楚元王傳注。晉灼曰：表

屬千乘。今表脫注高宛。孟子書有沈猶氏。蓋以地為氏者。

宛胸侯執。濟陰縣。兩漢志作宛句。盧綰傳作宛句。水經注作宛胸。字異地同。執，景帝紀作藝。

棘樂敬侯調。左傳昭四年，吳伐楚，入棘。杜預曰：譙國鄆縣東北有棘亭。

乘氏侯買。濟陰縣。

安城思侯蒼。長沙縣。地理志作安成。古字通。下注豫章當在宜春侯成下。誤移于此。

句容哀侯黨。丹陽縣。下注會稽誤。

容陵侯福。長沙縣。史記作句陵。誤。

杏山侯成。族子坵曰：後漢書岑彭傳，許邯起杏注。南陽復陽縣有杏聚。郡國志同。太平寰宇記，光州仙

居縣有杏山。仙居于漢爲軟縣。屬江夏郡。

浮丘節侯不害。史記作不審。疑誤。

廣戚節侯將。沛郡縣將。史記作擇。

丹陽哀侯敢。丹陽縣下注無湖。無與蕪同。亦丹陽縣名。

盱台侯蒙之。臨淮縣。地理志作盱眙同。蒙之。史記作象之。

胡孰頃侯胥行。丹陽縣。史記作湖孰同。胥行。史記無行字。

秣陵終侯纏。丹陽縣。史記作秩陽。纏。史記作漣。

淮陵侯定國。史記作睢陵。淮陵。睢陵竝臨淮縣。傳作淮陽。非也。水經注。睢水又東逕睢陵縣故城北。武

帝封江都易王子劉楚爲侯。國名雖不同。當以睢陵爲正。

張梁哀侯仁。梁共王子龍丘侯代。菑川懿王子。史記皆作江都易王子。

劇原侯錯。菑川縣。

九月乙巳封。史記作五月。

懷昌夷侯高遂。史記作壤夷侯遂。

胡侯延年。史記無年字。

平望夷侯賞。北海縣李賢曰。今青州北海縣西北平望臺是也。一名望海臺。

葛魁侯戚坐縛家吏恐獨受賕棄市。史記坐殺人。

益都敬侯胡。北海有益縣。水經注。巨洋水又東北逕益縣故城東。又東北積而爲潭。枝津出焉。西北流逕故益都城。武帝封劉胡爲侯國。是益都與益縣不遠。

平的戴侯強。北海縣。史記作平酌。誤。

劇魁夷侯黑。北海縣。史記黑作墨。

五年乙巳封。年當作月。

思侯招。史記名昭。

孝侯利親。與平的釐侯同名。且同是菑川懿王之後。疑有譌字。

壽梁侯守下。注壽樂。或說壽梁卽壽良也。東郡縣名壽樂。亦卽壽良之異稱。

平度康侯行。東萊縣。行。史記作衍。

宜成康侯偃。濟南縣下注平原。疑誤。

臨胸夷侯奴下。注東海。地理志臨胸縣兩見。一屬東萊。一屬齊郡。此云東海。當是東萊之譌也。屬東海者。是胸縣。非臨胸。

雷侯豨城陽共王弟下。注東海。案地理志。昌慮屬東海。慮屬城陽。此國分自城陽。則雷當作慮。若從東海之說。當爲昌慮矣。弟。史記作子。

東莞侯吉 琅邪縣。

辟土節侯壯 辟土史記作辟水經注葛陂水出三柱山西南流逕辟土城南世謂之辟陽城武帝封劉

壯為侯國。

侯明 史記明作朋。

尉文節侯丙 史記趙世家以尉文封相國廉頗為信平君正義曰尉文蔚州地。

封斯戴侯胡傷 常山縣史記作共侯胡陽。

榆丘侯受福 史記受作壽。

邯會衍侯仁 魏郡縣。

東城侯遺為孺子所殺 史記遺有罪國除。

廣望節侯忠 涿郡縣史記作望廣誤忠史記作安中案節侯之子名中則其父必不名安中亦誤。

將梁侯朝平 水經注博水又北逕清涼城東即將梁也應與中山之望都相近。

薪館侯未央 史記作新館。

陸城侯貞 中山縣地理志作陸成古字通史記作涇城誤蜀志先主諱備漢景帝子中山靖王勝後也。

勝子貞元狩六年封涿縣陸城亭侯坐酎金失侯案亭侯之制至建武時始有蜀志衍亭字遂與此不

合以陸城為涿縣亦誤。

薪處侯嘉 中山縣。史記及地理志作新處。

蒲領侯嘉下注東海 勃海縣。東海當作勃海。

棗強侯晏 清河縣。

畢梁侯嬰 閩本作卑梁。高密頃王子都亦封卑梁。

旁光侯殷 史記作房光。形相似而譌。

距陽憲侯句侯淒嗣 史記句作白。淒作渡。

萑節侯退 後漢書馮異傳有無萑亭。注云。在今饒陽縣東北。即其地矣。退。史記作邈。

阿武戴侯豫 涿郡縣。

參戶節侯免 勃海縣。免。史記作勉。

州鄉節侯禁 涿郡縣。

平城侯禮 當依史記作成平。勃海縣也。索隱曰。漢表在南皮。今脫。

廣侯順 齊郡縣。

陰安康侯不害 魏郡縣。史記作陪安。疑誤。

哀侯秦容 閩本作秦客。猶言郢客。

榮關侯騫下注荏平 荏平東郡縣。續漢志屬北國。

周望康侯何 史記作周望。

陪繆侯則 則史記作明。

前侯信 史記作叢。索隱曰。漢表作敢。

安陽侯樂 安平原縣。陽當爲煬。史記樂作桀。

五據侯臞丘 史記作臞丘以下。五侯表云。濟北式王子。史記俱作濟北貞王子。表無濟北貞王。但有成王。胡成與式相似。

富侯龍 泰山有富陽縣。

平侯遂 或以爲河南縣。濟北封地。不能遠至河南。

羽康侯成 平原縣。

胡母侯楚 族子坵曰。風俗通。胡母姓。本陳胡公之後。公子完奔齊。遂有齊國。齊宣王母弟別封母鄉。遠

本胡公。近取母邑。故曰胡母氏。據此。則爲齊地何疑。

離石侯綰 西河縣。

邵侯順 索隱曰。漢表在山陽。今脫。然代共王子所封。屬於西河者多。唯臨河屬朔方。以邵爲山陽。猶以

皋琅爲臨淮。以千章爲平原。與代地毫不相關也。順。史記作慎。

蘭侯罷車 西河縣。

臨河侯賢 朔方縣。

濕成侯忠 西河縣。

士軍侯郢客 西河縣。

皋琅侯遷 西河縣。

千章侯遇 西河縣。

博陽頃侯就 田儋傳。田橫走博。史記作博陽。卽此。

寧陽節侯恬 太山縣。索隱曰。漢表在濟南。今脫。夏侯勝傳。初魯共王分魯西寧鄉。以封子節侯。別屬大

河。此寧陽卽西寧鄉。

瑕丘節侯政 山陽縣。

公丘夷侯順 沛郡縣。

陸地侯義下注辛處 史城作陘城。誤。辛處卽新處。中山縣。

武始侯昌 魏郡縣。

烏氏節侯賀 鉅鹿縣。

易安侯平下注鄗 易涿郡縣。鄗。常山縣。

路陵侯童 史記作洛陵。疑昭陵之誤。昭陵。長沙縣。

攸輿侯則 攸。長沙縣。輿字未詳。水經注。攸水逕攸縣北。縣北帶攸溪。蓋卽溪以名縣也。武帝封長沙。定

王子劉則爲侯國。

茶陵節侯訢 長沙縣。

建成侯拾 豫章縣。案隱曰。漢表在豫章。今脫。

安衆侯歎 南陽縣。故宛西鄉。說文無歎字。疑當作款。音苦管反。

葉平侯喜 南陽縣。史記喜作嘉。嘉與喜字近。易訛。下高平侯喜。功臣表涉都侯喜。史記亦竝作嘉。

利鄉侯嬰 東海縣。水經注。游水北逕東海利成縣。故城東。故利鄉也。

東平侯慶 卽元鼎元年爲大河郡者。甘露二年爲王國。

運平侯記 左氏傳成十六年。公還待於鄆。京相璠曰。公羊作運字。今東郡廩丘縣東八十里。有故運城。

卽此城也。

山州侯齒坐酎金免 案齒于元鼎六年擊閩越。坐畏懦誅。

海常侯福坐酎金免 案功臣表。繚嫫侯劉福。以校尉從橫海將軍擊南越。元封元年正月乙卯封。二年

有罪免。蓋初以王子封。後以有功封。

騶丘敬侯寬 史記騶作鈞。寬作憲。

原侯報德 史記作執德。

南城節侯貞 東海縣。

廣陵侯侯表 廣陵縣。徐廣曰。一作廣陽非也。史記作常侯表。

杜原侯皋 史記作莊原。

臨樂敦侯光 勃海縣。

高平侯喜 史記喜作嘉。嘉是中山靖王子也。元鳳五年。又封中山康王子喜爲成侯。嘉爲喜之父。行不

應同名。當從史記。

廣川侯頗 信都縣。

重侯擔下注平原 勃海縣。史記作千鍾侯搖。水經注作千童侯陰。陰與搖聲相近。擔與搖形相似。酈元

說是也。平原有重丘。非擔所封地。

被陽敬侯燕 千乘縣。史記作披陽。李賢曰。被陽故城在今淄州高苑縣西南。

定敷侯越 勃海縣。史記敷作敬。下柳康侯子。亦諡敷。

定侯乘王莽篡位絕 三史拾遺曰。按侯乘絕于王莽之世。不得有諡。且定爲國名。豈當更以定爲諡乎。

定侯之定。其爲衍文無疑。

稻夷侯定 琅邪縣。

山原侯國 山地名。原諡也。說文邑部。邨地名。从邑。山聲。疑卽此矣。

繁安夷侯忠 千乘縣。

柳康侯陽已 勃海縣。陽已。史記及水經注只作陽。

雲夷侯信 琅邪縣。水經注云。富平縣西有東方朔冢。冢側有祠。祠側有雲城。武帝封劉信為侯國。

牟平共侯渫齊孝王子 東萊縣。史記渫作緹。後漢書劉寵傳。吳志劉繇傳竝云。孝王子少子。

柴原侯代 泰山縣。

柏暢戴侯終古 史記作柏陽。

敵安侯延年 常山縣。史記敵作鄙。

乘丘節侯將夜 乘丘。史記作桑丘。中山王子。封地不能遠至泰山郡之乘丘。史記趙世家趙肅侯二十

三年與齊魏戰於桑丘。括地志。桑丘。故城在易州遂城縣界。索隱曰。漢表在深澤。今脫。深澤。中山縣。

柳宿夷侯蓋 索隱曰。漢表在涿郡。今脫。外戚傳嘗之柳宿。蘇林曰。聚邑名也。在中山盧奴東北三十里。

樊輿節侯脩 涿郡縣。脩。史記及水經注竝作條。案脩與條。古字通。周勃傳。迺封為條侯。地理志作脩。應

劭曰。音條。

曲成侯萬歲下云涿 此非東萊之曲成也。

安郭于侯傳富 水經注瀧水東南逕安郭亭東。

安險侯應 中山縣。

安道侯恢 史記作安遙。

夫夷敬侯義 零陵縣。

春陵節侯買 南陽縣。後漢書宗室四王傳云。節侯買封于零道之春陵鄉。至考侯仁以春陵地執下溼。

山林毒氣。上書求減邑。內徙。元帝初元四年。徙封南陽之白水鄉。猶以春陵爲國名。

戴侯熊渠 後漢書同。惟景十三王傳只作庸。

孝侯仁 後漢書城陽共王祉傳。文選南都賦注。引東觀記竝作考侯。

都梁敬侯定 零陵縣。史記定作遂。

洮陽靖侯狩燕 零陵縣。史記狩燕作狗處。索隱曰。漢表名將燕。狩字誤。

衆陵節侯賢 零陵縣。史記作泉陵。是。

終弋侯廣置衡山賜王子 史記作衡山王賜子。陳景雲曰。衡山賜王。疑是衡山王賜之誤。但賜坐謀反。

國除。事在元狩元年。若有子爲列侯。雖不與逆謀。亦應奪爵。不應至元鼎中始以酎金免矣。則衡山賜

三字。恐皆有誤。

昌侯差 琅邪縣。

蕢侯方 索隱曰。漢表在琅邪。今脫。

康葭康侯澤 琅邪縣。地理志作零葭。

原洛侯敢 史記作石洛侯敬。

挾術侯昆景 史記作扶滯侯昆吾。李廣芸曰：昆吾雙聲，得以命名，作昆景，誤。談泰曰：昆景雙聲，昆吾非雙聲。漢書較長。

釐侯霸 挾、史記作按。

枋節侯讓 平原縣。

文成侯光 史記作父成，下注東海，非潁川之父成矣。

庸侯餘 史記餘作譚。

鱣侯應 下注襄賁，襄賁、東海縣。

彭侯強 史記強作偃。族子埒曰：彭即枋。郡國志：泰山費縣有枋亭者，是費前屬東海，後改屬泰山。說文：枋亦作繫。案本表劉屈釐封澎侯，澎即繫字之誤。然則彭即繫也。功臣表：彭簡侯，秦同。其元孫壽王為費公士，正在其處。

瓠節侯息 北海縣。

虛水康侯禹 琅邪縣。

東淮侯類 下注北海。索隱曰：漢表在東海北，當作東。

拘侯賢 史記作枸侯買。

涓侯不疑 史記作涓侯。

陸元侯何元鼎元年七月辛卯封下注壽光 史記作元狩元年四月封壽光北海縣
廣饒康侯國七年辛卯封 齊郡縣年當作月以下三侯表皆云七月封 史記皆作十月 表中世次宣帝
以後略而不書案王莽傳有廣饒侯劉京奏符命

餅敬侯成 琅邪縣

兪閭煬侯毋害 史記作不害

甘井侯光 史記光作元

襄隄侯聖始元二年聖子倫以曾祖廣川惠王曾孫爲廣德王 襄隄 史記作襄陵始元當作元始曾祖

二字疑衍

皋虞煬侯建 琅邪縣

頌侯顯 頌非諡疑頃之譌

魏其煬侯昌 琅邪縣

祝茲侯延年 史記無年字水經注膠水逕祝茲縣故城東

高樂康侯 勃海縣

參譏侯則 郡國志濟陰定陶有三譏亭

南繚侯佗 鉅鹿縣

鄣侯舟 常山縣南。雍本。閩本於第一格有師。古曰鄣音呼各反八字。今脫。

爰戚侯當 山陽縣。

栗節侯樂 沛郡縣。


涑夷侯周舍 沛郡縣。

獠節侯起 濟南縣。

柳裴戴侯道 魏郡縣。說文解字亦作柳裴。地理志作卽裴。鄭德音卽非。

澎侯屈釐 屈釐傳及百官表竝作屈釐。古字通。功臣表歷侯程釐。史記釐作釐。傳云以澎戶二千二百

封表脫戶數。



漢書辨疑卷五

王子侯表下

松茲戴侯霸 廬江縣。

頃侯縵 縵不成字。閩本作縵。

蘭旗頃侯臨朝 東海縣。地理志作蘭祺。

容丘戴侯方山 東海縣。

良成頃侯文德 東海縣。

蒲領煬侯祿 勃海縣。

南曲煬侯遷 廣平縣。

高城節侯梁 南郡縣。

成獻侯喜 涿郡縣。

新市康侯吉下注堂陽 鉅鹿縣。堂陽亦屬鉅鹿。蓋分置。

朝陽荒侯聖 濟南縣。武五子傳云。宣帝即位封胥四子。聖曾寶昌皆為列侯。表獨缺寶。

平曲節侯曾 東海縣。

南利侯昌 水經注汝水別溝又東逕西門城即南利也縣北三十里有孰城曰北利傳云後胥子南利侯寶坐殺人奪爵此云南利侯昌未知孰是

安定侯賢 鉅鹿縣

東襄侯使親 使當作便便親猶利親也表中參戶侯平的侯劇魁侯皆名利親

修市原侯寅 勃海縣

東昌趨侯成 信都縣說文趨疾也故晉灼音躁疾

新鄉侯豹四月乙丑封 清河縣地理志作信鄉新信古字通王莽傳新鄉侯修即信鄉後漢書新陽侯

陰就亦作信陽乙丑當作己丑下修故侯下乙丑亦誤

東陽節侯弘 清河縣

新昌節侯慶 涿郡縣

釐侯嫺 說文嫺姘也姘弱長兒

邯葺節侯偃 魏郡縣地理志作邯溝

樂陽繆侯說 常山縣

桑中戴侯廣漢 常山縣

張侯嵩 廣平縣

景成原侯雍 勃海縣

平隄嚴侯招 信都縣

樂鄉憲侯修 信都縣

高郭節侯曠 涿郡縣

樂望孝侯光 北海縣

成康侯饒 族子坵曰地理志有饒縣侯國此與樂望柳泉同日封亦同屬北海疑是也或應云饒康侯

成歟

柳泉節侯強 北海縣下注南陽涉下而誤

復陽嚴侯延年 南陽縣志云故湖陽樂鄉

注復音力目反 力南雍本閩本竝作方

鍾武節侯度 江夏縣後漢書劉聖公傳云前鍾武侯劉望起兵略汝南遂自立為天子未知度幾世孫

表未載

高城節侯梁 此侯孝昭始元六年六月乙未封已見前矣且號諡名及子孫曾皆同惟始封年月不同

其為重出無疑然始元所封長沙頃王子唯一侯而元康元年則與復陽鍾武同日封似宜去彼存此

海昏侯賀四月壬子封 豫章縣。

侯會邑建武後封 傳云今見為侯疑脫今見。

曲梁安侯敬 廣平縣。

遼鄉侯宣 族子玷曰後漢書杜茂傳茂封脩侯坐事削戶邑定封遼鄉侯攷茂歷封樂鄉苦陘廣武脩

等地竝近常山然則遼鄉即遼鄉歟。

樂信頃侯強 鉅鹿縣。

昌成節侯元 信都縣。

廣鄉孝明侯 廣平縣。

成鄉質侯慶 廣平縣地理志作城鄉古通用。

平利節侯世 廣平縣。

平鄉孝侯王 廣平縣文獻通攷作平陽誤王通攷作任。

西梁節侯關兵 信都縣。

歷鄉康侯必勝 鉅鹿縣。

武陶節侯朝 鉅鹿縣。

利鄉孝侯安 涿郡縣。

都鄉孝侯景 常山縣下注東海誤。

昌慮康侯弘 東海縣。

山鄉節侯綰 東海縣。

建陵靖侯遂 東海縣。

東安孝侯強 東海縣。水經注。時密水逕東安城南。漢封劉強為侯國。

承鄉節侯當 地理志東海有承縣。

建陽節侯咸 東海縣。

高鄉節侯休 琅邪縣。

茲鄉孝侯弘 琅邪縣。

都平愛侯丘 東海縣。

箕愿侯文 琅邪縣。

侯欽 欽闕本作褒。文獻通攷作褒。

高廣節侯勳 琅邪縣。

即來節侯佼 琅邪縣。

右孝宣 案楚元王傳云。地節中以楚元王曾孫德親。親行謹厚。封為陽城侯。立十一年薨。諡繆侯。子安。

成嗣、薨、子慶忌、嗣、薨、子岑、嗣、薨、傳子王莽、敗乃絕、表失載。

膠鄉敬侯漢 北海縣。

桃煬侯良 信都縣。

安平釐侯習 豫章縣地理志安平兩見。一屬豫章。一屬涿郡。長沙王子封國不能遠至涿郡。下注鉅鹿。

亦誤以為涿郡之安平。

陽山節侯宗 桂陽縣。

昆山節侯光 琅邪縣。

折泉節侯根 琅邪縣。

博石頃侯淵 琅邪縣。

要安節侯勝 案後漢書劉盆子傳云。求軍中城陽景王。後得七十餘人。惟盆子與前西安侯劉孝最為

近屬。表中城陽景王之後有要安。無西安。疑即此侯。西安齊郡縣。

房山侯勇 琅邪縣。

式節侯憲 泰山縣。

侯萌十九年免 案後漢書劉盆子傳云。王莽篡位。國除。

臨鄉頃侯雲 涿郡縣。

西鄉頃侯容 涿郡縣。三國志容作弘。劉放傳云。廣陽頃王子西鄉侯弘後也。

陽鄉思侯發 涿郡縣。

益昌頃侯嬰 涿郡縣。

羊石頃侯回 北海縣。

石鄉煬侯理 北海縣。

新城節侯根 北海縣。

上鄉侯歙 北海縣。

于鄉節侯定 東海縣。

石山釐侯嘉 琅邪縣。陳景雲曰。嘉既免爵。不當有諡。釐字衍。

都陽節侯音 東海縣。

參封侯嗣 琅邪縣。陳景雲曰。參封侯爵。再傳始奪。則嗣以善終。法當有諡。今脫。

伊鄉頃侯遷 琅邪縣。

襄平侯豐 臨淮縣。

貫鄉侯平 臨淮有射陽縣。射亦作貫。

中鄉侯延年 山陽縣。

鄭頃侯罷軍 山陽縣。

黃節侯順 山陽縣。

平樂節侯遷 山陽縣。

菑鄉釐侯就 山陽縣。

東鄉節侯方 沛郡縣。

溧陽侯欽 沛郡縣。欽當有諡。今脫。

高柴節侯發 沛郡縣。

臨都節侯未央 沛郡縣。

高質侯舜 沛郡縣。

北鄉侯譚 齊郡縣。

蘭陵節侯宜 臨淮縣。地理志作蘭陽是。

廣平節侯德侯德嗣 臨淮縣。父子同名。必有一誤。

博鄉節侯交 九江縣。

柏鄉戴侯買 鉅鹿縣。

安鄉孝侯喜 鉅鹿縣。

廣釐侯便 齊郡縣。

樂陽侯獲 地理志東萊郡有陽樂侯國。卽此。

平城釐侯邑 北海縣。

密鄉頃侯林 北海縣。

樂都煬侯訢 北海縣。

武鄉侯慶 琅邪縣。慶當有諡。今脫。

成鄉釐侯安 北海縣。

廣戚陽侯勳 沛郡縣。陽當作煬。傳云。諡曰煬。傳載戶數四千三百。此亦不書。

外黃侯圉 陳畱縣。

平陸侯寵 水經注。尉氏縣有平陸縣。故城建武元年。以戶不滿千。罷爲尉氏縣之陵樹鄉。故陳畱風俗。

傳云。陵樹鄉故平陸縣也。寵爲淮陽王之孫。其所封者是矣。酈元以此爲劉禮封國。誤矣。

部鄉侯閔 東海縣。

建鄉釐侯康 東海縣。

安丘侯常 琅邪縣。

栗鄉頃侯護 山陽縣。

西安侯漢 齊郡縣。

重鄉侯少柏 水經注。荷水東逕重鄉城南。左傳所謂臧文仲宿于重館也。

伊鄉侯開 琅邪縣。此與湖鄉侯竝是東平思王孫。而又同日受封。不應同名。

就鄉侯不害 此與金鄉侯皆思王孫。而同時受封。亦不應同名。

樂安侯禹 千乘縣。

桃鄉頃侯宣 太山縣。

新陽頃侯永 東海縣。

富陽侯萌 太山縣。

曲鄉頃侯鳳 山陽縣。

桃山侯欽 太山縣。

昌陽侯霸 臨淮縣。

臨安侯閔 琅邪縣。

徐鄉侯快 東萊縣。快王莽傳。苟悅漢紀竝作快。

臺鄉侯眇 齊郡縣。

西陽頃侯竝 山陽縣。

廣昌侯賀 代郡縣。

方鄉侯常得廣陽惠王子 惠文。獻通攷作思是。

右孝成 案楚孝王傳。成帝立楚懷王文弟平陸侯衍爲王。是爲思王。表無此侯。諸侯王表但云衍以孝

王子紹封。不言其爲平陸侯。亦太略也。

嚴鄉侯信 案信有二子穀鄉侯。章德廣侯鮪。見翟義傳。當是王莽居攝時所封。故表弗錄。

武安侯授 魏郡縣。

湘鄉侯昌長沙王子 郡國志湘鄉屬零陵。班志無此縣。文獻通攷作長沙孝王子。此脫孝字。

右孝哀 案燕王澤傳云。哀帝時繼絕世。乃封敬王澤玄孫之孫無終。公士歸生爲營陵侯。表失載。

陶鄉侯恢八年 案八年下脫免字。南雍本。閩本皆有之。

安陸侯牛 江夏縣。後漢書劉般傳作原鄉侯。蓋析安陸之原鄉爲國。

梧安侯譽 案後漢書馬嚴傳注。引東觀記。建武三年。右扶風曹貢爲梧安侯相。則光武初其國尙存也。

扶鄉侯普 王莽傳有扶恩侯。劉貴小顏謂不知誰子孫。予謂貴與普形相近。疑卽此侯。表傳封地微有

不同。必有一誤。

方城侯宣 廣陽縣。

廣城侯連師古曰連音竹二反 連不成字。閩本作連。注同。依小顏音。當是寔字之譌。

昭陽侯賞 郡國志昭陽屬零陵。
承陽侯景 長沙縣。

漢書辨疑卷六

高惠高后文功臣表

注唯作元功蕭曹等十八人位次耳。閩本曹作何。

隕命亡國云子孫。閩本無云字。作或亡子孫。南雍本有或字。亡譌爲云。閩本是。

注庸功庸也。南雍本。閩本功上俱有賣字。

注黎萌於變時雍。萌古與氓同。楚元王傳。民萌何以勸勉。師古曰。萌與毗同。孟子書皆悅而願爲之氓。

孫奭音義云。氓或作萌。

注三聖謂堯舜禹也。閩本禹下有三人二字。

以昭元功之侯籍云。閩本無云字。

平陽懿侯曹參。河東縣。

以中涓從起沛。如淳曰。春秋傳曰。涓人疇。漢儀注。天子有中涓如黃門。

萬六百戶。傳云萬六百三十戶。

位次格脫二字。蕭何傳。上以鄂千秋言。令何第一。曹參次之。

靖侯啻。高后四年爲御史大夫。

侯宗坐與中人姦闖入宮掖門入財贖完為城旦 案史記世家宗坐太子死國除五行志征和二年四

月巫蠱事興平陽侯曹宗下獄死與此異

參玄孫之孫杜陵公乘喜 杜陵京兆縣自平陽徙居之公乘第八爵

以參玄孫之玄孫杜陵公士紹封 之字下玄孫二字不應用大字公士第一爵

以本治子舉兵佐軍 當作本始

信武肅侯斬歛 地理志無信武

別定江漢 史記作江陵傳亦云別定江陵身得江陵王致雒陽師古曰江陵王謂共敖之子共尉也此

作江漢誤

侯五千三百戶 傳云定食四千六百戶

九年薨 自高帝六年封至高后五年薨凡十九年脫十字

汝陰文侯夏侯嬰 汝南縣

共侯賜四十一年薨 四當從閩本作三

侯頗坐尚公主與父御姦自殺 公主景帝女平陽公主也景十三王傳云武帝姊御妾御

嬰玄孫之子長安大夫信 長安京兆縣大夫第五爵

清河定侯王吸 史記表作清陽楚漢春秋作清陽侯王隆表中周昌功比清陽侯亦謂吸也地理志清

陽屬清河郡。

二十三年薨。三當從閩本作二。

詔賜吸代後爵關內侯不言世。為吸之後者。故云。代後不知其世次。故不言世。

陽陵景侯傅寬。左馮翊陽陵。景帝始更名。漢初未有也。楚漢春秋作陰陵。是九江縣。

頃侯清。清史記作靖。

共侯明。明史記作則。形相涉而譌。王子侯表陪繆侯則。史記作明。

長陵士伍景。如淳曰。律有罪失官爵。稱士伍。

廣嚴侯召歐。齊郡縣。

廣平敬侯薛歐。廣平縣或以為臨淮縣。非是。觀孝景改封常山之縣。可知此當屬廣平也。高帝五年歐

為典客。

平棘侯澤。常山縣。

博陽嚴侯陳濞。汝南縣。濞楚漢春秋作隕。

堂邑安侯陳嬰。臨淮縣。

侯午。午以善終。法當有諡。史記作夷侯。

尚館陶公主。文帝女名嫽。

侯季須 外戚傳作須無季字。

隆慮侯融 河內縣融史記作蟠融是公主子故得別封當與季須竝列此誤高一格。

曲逆獻侯陳平 中山縣初封戶牖後徙封。

五千戶 本紀孝文元年以謀奪呂產等軍益封三千戶。

長安簪屨莫 簪屨第三爵。

留文成侯張良 楚國縣。

注傳天下由張良 傳當作得。

坐與門大夫殺故楚內史 傳作坐不敬。

射陽侯劉纏 臨淮縣纏與郟跖張越棘丘侯襄鄧弱趙堯等六人皆無位次蓋呂后時陳平等上位

次簿纏等或以罪免或已身死故不得與其數至陽夏淮陰早以反誅更無有位次之理。

鄼文終侯蕭何 沛郡縣說詳高紀。

筑陽侯延 南陽縣。

武陽侯嘉 東海縣封武陽者嘉也俗本以武陽繫于蕭則之格誤矣嘉應有諡史記作幽侯。

鄼共侯慶 南陽縣。

安侯建世以何玄孫紹封 宣帝紀作曾孫非是。

釐侯喜永始元年七月紹封。本紀作元延元年封。案表云三年薨。永始四年質侯尊嗣。其事更爲明晰。本紀誤也。

絳武侯周勃。河東縣。

八千一百戶。傳及世家作八千一百八十戶。本紀文帝元年以謀呂產等軍益封邑萬戶。

脩侯亞夫。信都縣。

平曲共侯堅。東海縣。

侯共以勃玄孫紹封千戶。以傳證之。則共所紹封者絳侯。非平曲侯也。當注絳字。平帝紀亦云玄孫傳。

以其爲勃玄孫之子。與此小異。

舞陽武侯樊噲。潁川縣。

五千戶。傳云五千四百戶。

長陵不更勝客。不更第四爵。

曲周景侯酈商。廣平縣。

四千八百戶。傳作五千一百戶。

繆懷侯世宗。懷侯上。史記有元朔三年。是世宗。史記只作宗。

詔賜商代後者猛友爵關內侯。平帝紀作朋友。明孟古通用。孟諸亦作盟諸。

穎陰懿侯灌嬰 穎川縣。

定齊淮南及八邑 八邑。史記作下邑。

五千戶 文帝元年以合謀誅呂氏益封三千戶。

汾陰悼侯周昌 河東縣。

比清陽侯 卽清河侯王吸也。比之者言其功相埒。吸位次十四。昌十六。

哀侯開方 史記云開方嗣侯建平有罪是徙封建平也。表脫建平。

安陽侯左車 汝南縣。

沃侯國士伍明 沃疑是溼沃。千乘縣。

梁鄒孝侯武虎 濟南縣。史記作武儒。

比博陽侯 陳溲也。溲位次十九。虎二十。

夫夷侯國公乘充竟 夫夷。零陵縣。

成敬侯董濞 涿郡縣。

比厭次侯 爰類也。類位次廿四。濞廿五。

康侯赤 文帝紀建成侯董赤爲將軍擊匈奴。匈奴傳成侯董赫爲將軍。赫赤古字通。本紀建字羨文。

蓼夷侯孔聚 六安縣。聚。史記作藜。索隱曰姚氏案孔子家語云子武生子魚及子文。子文生最。字子產。

說文以爲積聚字。此作藜。不同。

侯臧嗣。司馬貞曰。按孔叢云。臧歷位九卿。爲御史大夫。辭曰。臣經學乞爲太常典禮。臣業以安國綱紀。古訓武帝難違其意。遂拜太常典禮。賜如三公。臧子琳位至諸吏。琳子璜失侯爵。此云臧國除。則當更封其子也。

費侯陳賀。東海縣史記賀諡圉。徐廣曰。圉或作幽。

定會稽浙江湖陵侯。湖陵史記作湖陽。

巢侯最。地理志廬江有居巢縣。

陽夏侯陳豨。淮陽縣。

隆慮克侯周竈。河內縣。克史記作哀。

陽陵公乘。史逸其名。

陽都敬侯丁復。城陽縣。

趨侯甯。古有以趨爲諡者。王子侯表有東昌趨侯成甯。史記作實。

孝文十年。史記作元年。是。

陽信胡侯呂青。陽信。史記作新陽。汝南縣。若是勃海之陽信。則孝文元年。其國尙存。不得復以封劉揭矣。青。史記作清。

功比堂邑侯 陳嬰也。嬰位次八十六。青八十七。

東武貞侯郭蒙 琅邪縣。

四十一 案位次四十一。已有丙猜矣。表無二十一。疑四當作二。

汁防肅侯雍齒 廣漢縣。史記表。地理志作汁加畱侯。世家作什方郡國志。水經注作什加。此表又作汁防。應劭音汁爲十。如淳音汁爲什。其字當從說文作什加。

功比平定侯 齊受也。受位次五十四。齒五十七。

汁防終侯桓不得年 史記作孝景中三年。

棘蒲剛侯陳武 史記趙世家敬侯六年伐魏。取棘蒲。張守節曰。今趙州平棘縣。古棘蒲邑也。又靳歙傳云。從攻安陽以東至棘蒲。是其地矣。高五王傳云。使棘蒲侯柴將軍擊濟北王。張晏以爲柴武。表云。孝文後元年薨。子奇反。誅不代。攷淮南王傳。奇亦作柴武子。賈誼傳亦作柴奇。後漢隗囂傳云。昔柴將軍與韓信書。注云。柴將軍。柴武也。今表及史記竝作陳武。則此人有兩姓也。

都昌嚴侯朱軫 北海縣。

軫玄孫昌侯國公士先 族子玷曰。昌侯國。當是都昌侯國。南安侯宣虎曾孫。南安籒曩肥如侯。蔡寅曾

孫肥如大夫。皆其例也。

武彊嚴侯嚴不職 臣瓚曰。武彊城在陽武縣。不職。史記作不識。

坐爲丞相建御史大夫陽不直自殺。陳景雲曰：陽當作湯，謂張湯也。建下疑脫治字，建議劾治謂之建治。見谷永傳。

貫齊合侯傅胡害。史記作貫齊侯呂徐廣曰：呂一作台。水經濁漳水又東南逕貫城西。漢高帝六年封

呂博爲侯國。南雍本閩本合侯作侯合。

功比臺侯。戴野也。野位次三十五。此三十六。

共侯方山二十年薨。閩本作二十九年是。

元壽一年。一當作二。

海陽齊信侯搖毋餘。遼西縣。

南安嚴侯宣虎。犍爲縣。

肥如敬侯蔡寅。遼西縣。

六十六。表中位次六十六者已有酈疥矣。疑當作六十八。表尙有紀通亦六十六。則五十六之譌也。

嚴侯戎。戎史記作成。

曲成圉侯蟲達。東萊縣。史記作曲城圉侯蟲達。

以西城戶將三十七人從。史記作曲城達。由曲成起。故以曲成封之。達爲曲成戶將。猶傅胡害爲越戶

將也。

至霸上爲執金吾。案百官表武帝太初元年更名中尉爲執金吾。高帝初尙未有此名。史記作執珪。是位次曰夜侯。夜古掖字。亦東萊縣。

恆侯捷。恆當從史記表作垣。河東縣。

河陽巖侯陳涓。河內縣。

淮陰侯韓信。臨淮縣。

爲連敖粟客。史記作典客。司馬貞曰。漢表作粟客。大昭案信傳云。信爲治粟都尉。則粟客近之。小顏謂以其稟疾而客禮之。恐是臆說。

芒侯彤。沛郡縣。史記作芒疾。昭此以昭爲跖子。

爲定武君。史記作武定君。

張侯昭。廣平縣。

敬市侯閻澤赤。史記作故市。故市河南縣。

功比平定侯。齊受也。受五十四。此五十五。

柳丘齊侯戎賜。勃海有柳縣。非柳丘。司馬貞以爲屬勃海。非也。

以三隊將入漢。史記作二隊將。案蟲達陳涓皆嘗爲此官。史記是。

八千戶。史記無八字。

侯安國 表脫諡。史記諡曰定。

魏其嚴侯周止 琅邪縣。史記作周定。

以爲騎郎將破項籍東城 閩本將作從。如閩本則以騎郎爲官名。非也。王吸嘗爲騎郎將。

祁穀侯繒賀 太原縣。

賀擊楚迫騎 迫史記作追。

漢王顧謂賀祁王 王、史記作子。

坐射檀罷免 徐廣曰射一作耐。

平悼侯工師喜 河南縣。工師喜。史記作沛嘉。廣詔一東作公師壹。

比費侯賀 陳賀也。賀位次三十一。喜三十二。他處比某侯不書名。此獨小異。

位次曰聊城侯 東郡縣。

魯侯奚涓 魯國縣。

功比舞陽侯 樊噲也。噲位次五涓七。

重平侯底 勃海縣。

城父嚴侯尹恢 沛郡縣。

功比厭次侯頃侯諸莊 厭次侯、爰類也。類位次二十四。恢二十六。頃侯諸莊未詳。閩本頃作項。史記無。

此四字。

任侯張越 廣平縣。

棘丘侯襄 晉灼曰棘原在鉅鹿南。

河陵頃侯郭亭 史記作阿陵涿郡縣。

勝侯客嗣 侯以罪免。法不得有諡。勝亦非諡名。史記作侯勝客。

昌武靖信侯單究 膠東縣。究。史記作甯。

侯賈成 表脫諡。史記作康侯。

高宛制侯丙猜 千乘縣。史記作高苑。猜。史記作倩。

比斥丘侯 唐厲也。厲位次四十。猜四十一。凡言比者。皆以後比前。名次相連。卽不聯屬。亦不甚遠。猜次

于厲。則猜之四十一無疑矣。郭蒙亦云四十一。疑是二十一也。

平侯武 平。史記作孝。

坐出入屬車閒免 今之衝突儀仗也。

宣曲齊侯丁義 史記貨殖傳有宣曲任氏。

終陵齊侯華毋害 終陵。史記作絳陽。族子玷曰。水經注云。絳陽在絳澮之陽。酈元證引侯國。多從史記。

故云。以義推之。當是於字譌爲終也。蓋當時分封侯國。子孫多處于其地。如猗氏侯陳遯曾孫猗氏大

夫明涅陽侯呂騰玄孫之子涅陽不更忠高宛侯丙猜玄孫之孫高宛大夫齮南安侯宣虎曾孫南安簪屨護皆是毋害封于於陵其子孫卽爲於陵大夫亦其例矣。

共侯勃 史記作勃齊。

曾孫於陵大夫告 曾孫上脫毋害。

東茅敬侯劉到 郡國志東平有茅鄉城。

以二隊入漢 疑亦是二隊將說見前。

四十八 位次內劉釗張平皆四十八而三十八無人疑當作三十八。

侯告 告史記作吉案吉告相似轉寫易譌周禮大宗伯以吉禮事邦國之鬼神亦注云故書吉或爲告。

杜子春云書或爲告禮者非是當爲吉禮緇衣尹吉曰注云吉當爲告古文誥字之誤也說文禮禮吉也爾雅釋詁禱告也郭璞未詳禮吉亦禮告之譌也易姤象曰后以施命誥四方鄭康成作誥云止也。

斥丘懿侯唐厲 魏郡縣。

臺定侯戴野 濟南縣。

用隊率入漢 申屠嘉嘗爲隊率亦作隊帥朱軫爲隊帥是也率帥古通用。

侯午 午史記作才。

安國武侯王陵 中山縣。

樂成節侯丁禮 河間縣。

辟陽幽侯審食其 信都縣。

酈成制侯周緜 史記作蒯城。服虔音菅蒯之蒯。則是汝南地。說文所云颯。汝南安陽鄉是也。羅泌曰。酈春秋蒯得之邑。譌為蒯。括地志河南縣西四十里有酈亭。今有酈鄉。又攷說文。酈右扶風鄠鄉。又曰。酈城父有酈鄉。讀若陪。蓋陪與憑聲相近。故楚漢春秋又作憑城。蘇林亦音酈為薄。催反也。以字或作憑證之。則酈是而蒯非。特以形相似而誤耳。竊意緜是沛人。當以城父鄉為正。觀其紹封之鄠。仍屬沛郡。必非右扶風之鄉明矣。下注長沙二字。非是。制侯傳作貞侯。

鄠康侯應 沛郡縣。

安平敬侯鄂秋 涿郡縣蕭何傳作鄂千秋。此脫千字。史記表作諤千秋。案世家列傳俱作鄂。知作諤者非。

坐與淮南王安通 史記作與淮南王女陵通。

北平文侯張蒼 中山縣孝文四年蒼為丞相。

以客從起武陽 武陽據傳及史記當作陽武。

高胡侯陳夫乞以都尉擊籍將軍定燕千戶 以都尉擊項籍。又以將軍定燕地。一說以都尉擊項籍之

將軍而又定燕地亦通。定燕下疑脫侯字。

厭次侯爰類 東方朔傳云平原厭次人則本平原縣也明帝改富平爲厭次因舊名耳爰類不書諡史闕文。

侯嗣 表脫名馬氏通攷以嗣爲侯名謬矣史記名賀。

平皋煬侯劉它 河內縣。

功比軼侯 黎朱蒼也朱蒼位次百廿它百廿一史記作功比戴侯彭祖非是凡言比者皆以位次前者

比之彭祖乃百廿六。

復陽剛侯陳胥 清河縣。

陽河齊侯其石 疑卽上黨之陽阿。

功比高湖侯 陳夫乞也夫乞位次八十二石八十三。

柏至靖侯許盎 史記作許溫。

侯昌 孝景後三年爲太常表脫諡史記諡曰哀。

侯安如 表脫諡史記諡曰恭。

中水嚴侯呂馬童 涿郡縣。

杜衍嚴侯王翥 南陽縣項籍傳及史記竝作王翳。

侯郢人 表脫諡史記諡曰彊徐廣曰彊一作景。

赤泉嚴侯楊喜 喜後漢楊震碑作熹。司馬貞曰：南陽有丹水，疑是赤泉，後改。

朝陽齊侯華寄 南陽縣。

棘陽嚴侯杜得臣 南陽縣。

侯但 表脫諡。

涅陽嚴侯呂騰 南陽縣騰。項籍傳史記表竝作勝。

平棘懿侯林摯 常山縣摯。史記表作執，不載姓。

深澤齊侯趙將夕 中山縣將夕。史記表水經注竝作將夜。

夷胡侯 胡侯二字。當乙。史記作夷侯。胡夷是胡之封國。馬氏通攷以為頭子名，失之矣。

準頃侯温疥 準。史記作恂。案此疑即周文王子所封之郇國也。左氏傳僖廿四年：軍于郇。服虔曰：郇國

在解縣東。郇瑕氏之墟。詩地理攷引春秋釋地曰：解縣西北有郇城。水經注：涑水西逕郇城。郇伯故國也。今解故城東北二十里有故城在猗氏。故城西北俗名為郇城。

歷簡侯程黑 信都縣。

九十二 案位次九十二。已有王虞人矣。此當是九十七。史記作九十三。非是。

武原靖侯衛胙 楚國縣。

功比高陵侯 王虞人也。虞人位次九十二。胙九十三。史記作九十二。非是。

侯不害坐葬過律免。潛夫論景帝時原侯衛不害坐葬過律奪國。卽其事也。惟少一武字不同耳。

橐祖侯陳錯。山陽縣地理志橐莽曰。高平臣瓚音拓。郡國志高平侯國故橐。章帝更名橐高同聲。故莽

改高平而章帝因之。或爲橐者。字之誤耳。臣瓚讀爲拓。失之矣。永平元年以橐益東平。東平王傳作橐。

又隸釋有橐長蔡湛頌。益可信橐之誤矣。史記表祖作祗。錯作錯。

侯千秋。史記云。不得千秋父。徐廣曰。千秋父以元朔元年立。此則竟以安爲千秋之父。中間又不闕一

代。未知孰是。

宋子惠侯許癩。鉅鹿縣。

用趙右林將。史記右作羽。

功比歷侯。程黑也。黑位次九十七。表作九十二誤。癩九十九。

共侯畱。畱。史記作不疑。

猗氏敬侯陳遯。河東縣。

清簡侯室中同。東郡縣史記室作空。徐廣曰。空一作室。案室窆古字通。論語惡果敢而窒者。釋文魯讀

窒爲室。鄭康成從古。韓勅脩孔廟碑。庫窒。字原云。義作庫室。索隱窒中姓。見風俗通。而此表及廣韻皆

作室中。

比彭侯。秦同也。秦同位次七十。室中同七十一。

疆圉侯留盼 史記圉作簡。盼作勝。

比彭侯 秦同也。同位次七十一。盼七十二。

戴侯章復 案其子亦名復。豈有父子同名者。史記只作章。

侯復 史記復作服。

彭簡侯秦同 索隱曰。漢表在東海。今脫王子侯表。城陽頃王子彭侯強。下注東海二字。又澎侯劉屈釐。

晉灼曰。東海縣。然東海無彭縣。族子玷曰。王子侯表。彭屬東海。同玄孫為費公士。費縣亦屬東海。然則

彭為費縣地矣。郡國志費縣有祊亭。古祊彭字通用。此彭即祊。

吳房嚴侯楊武 汝南縣。史記項羽紀作吳防。

三月辛卯封 史記作二月辛巳。

甯嚴侯魏遯 甯水經注以為即脩武是也。郡國志河內郡脩武縣。有小脩武聚。春秋曰甯。左傳定公元

年。魏獻子卒于甯。杜預曰。甯今汲郡脩武縣。近吳澤。光武紀注云。本殷之甯邑。韓詩外傳曰。武王伐紂。

勒兵于甯。改曰脩武。索隱以為甯陽屬濟南。非也。甯陽即寧陽。屬泰山。郡國志屬東平。濟南無此縣。

昌圉侯旅卿 琅邪縣旅。匈奴傳及史記表竝作盧。案旅盧古今字。禹貢蔡蒙旅平。韋昭音盧。士冠禮旅

占。鄭注。古文旅作臚。班固述贊云。大夫臚岱。鄭德云。臚岱。季氏旅于泰山是也。本表共嚴侯旅。罷師。史

記旅作盧。

共嚴侯旅罷師 河內縣。

闕氏節侯馮解散 司馬貞曰屬安定即烏氏也。

安丘懿侯張說 北海縣。

以執盾入漢 史記作執鉞案孔聚閻澤赤繒賀襄失其姓皆嘗為執盾。

陽陵上造舜詔復 復下閩本有家字。

襄平侯紀通 臨淮縣水經注以為遼東之襄平誤表不言初封戶數孝文元年通以誅諸呂定策益封

二千戶。

功比平定侯 齊受也受位次五十四通常是五十六。

六十六 表中位次內六十六有蔡寅紀通酈疥三人蔡寅之六十六是六十八之譌而五十六尙闕且

通又功比平定必是五十六也。

孝景中三年康侯相夫嗣 案景紀三年詔曰襄平侯嘉子恢說不孝謀反欲以殺嘉大逆無道其赦嘉

為襄平侯及妻子當坐者復故爵論恢說及妻子如法晉灼曰紀通子也孝景三年康侯相夫嗣推其

封墓正與此合豈更名嘉乎大昭謂晉說非也本表紀通受封在高帝八年閱五十二年而薨正孝景

中三年豈得刪去三年上中字以遷就已說更可疑者相夫嗣侯在中三年而三年詔書已稱嘉為襄

平侯則嘉之嗣封又在相夫之前矣以嘉為通之別名則可以嘉為相夫之別名則大不可。

龍陽敬侯陳署 龍陽史記作龍。

平嚴侯張瞻師 平史記作繁。蜀郡縣說文亏部云古文平作𠂔。又云采辨別也。讀若辨。古文作兮。番字

从采。采與平相似。番與繁同音。故繁爲平耳。

侯安國嗣不得年 史記作中三年。

敏上造連城 古繁字作繇。故譌爲敏。

陸量侯須無詔以爲列諸侯 量史記作梁。無諸字。

高景侯周成 周昌傳同。史記作高京。

功比辟陽侯 審食其也。食其位次五十九。成六十。

四月戊寅封 此五字當下一格。

楚漢春秋亦闕 楚漢以下二十二字疑是注文脫。師古曰三字。

成帝時光祿大夫滑堪日旁占驗 藝文志天文家有漢日旁氣行事占驗三卷。又有漢日旁氣行占驗

十三卷。

義陵侯吳郢 武陵縣。

宣平武侯張敖 楚漢春秋作南宮侯張耳。非也。耳乃敖父。未嘗爲南宮侯。

侯偃爲魯王孝文元年復爲侯 張耳傳云復封故魯王偃爲南宮侯。表云復爲侯者。復爲南宮侯也。表

脫南宮二字

六年哀侯歐嗣十七年薨。此六年上脫十字。是孝文之十六年也。表承上文。故不重言孝文耳。十七年薨者。正當孝景中二年。公卿表元光四年爲太常之宣平侯。張歐別是一人。非張偃之子。歐所嗣者。是南宮侯。非宣平侯。且元光四年南宮侯歐之薨已十五年矣。安得有爲太常之事。傳中闕此哀侯一世。竟以生爲偃子誤矣。

雖陵侯廣孫元光三年以王弟紹封。臨淮縣廣孫。本傳及公卿表作廣國王。史記作生。

侯慶忌以敖玄孫紹封。據本傳是紹封宣平表脫宣平二字。

信都侯侈。信都縣。

以非正免。據本傳侈與受皆敖前婦子。故云非正。

樂昌侯受。受傳作壽。

東陽武侯張相如。臨淮縣。

慎陽侯樂說。汝南縣。表逸諡。樂史記作樂。

開封愍侯陶舍。河南縣。

比共侯。旅罷師也。罷師位次百十四。舍百十五。

夷侯青。孝文後二年。陶青爲御史大夫。

元狩五年坐酎金免 元狩當作元鼎。

禾成孝侯公孫昔 昔史記作耳。

堂陽哀侯孫赤 鉅鹿縣。

祝阿孝侯高色 平原縣。色。史記水經注竝作邑。

長脩平侯杜恬 河東縣。

以內史擊諸侯攻項昌以廷尉死事侯 史記作以內史擊諸侯。功比須呂侯。以廷尉死事。此處當有誤

字。漢書云。攻項昌。則無其地。史記功比須呂。則無此侯。若云死事。則其子當侯。無自侯之理。以意度之。

當是以內史擊諸侯。侯功比須昌侯。須昌侯。趙衍也。衍位次百七。恬百八。故云比耳。功譌為攻。須譌為

項。脫落比字。又移侯字于死事之下。以致不可句讀。後讀震澤王氏本。史記正作須昌。始信予言之不

謬。恬為廷尉。在孝惠三年。

侯意 史記意作喜。

陽平侯相夫 東郡縣。

江邑侯趙堯十一月封 史記作正月辛未。

營陵侯劉澤 北海縣。孝惠元年澤為衛尉

萬一千戶 一史記作三。

士軍式侯宣義 西河縣。式。史記及水經注作武。

廣阿懿侯任敖 鉅鹿縣。

須昌貞侯趙衍 東郡縣。

臨轅堅侯戚總以都尉守鄆城 鄆、閩本作斬。

汲紹侯公上不害 河內縣。索隱曰。汲。漢表作伋。伋與汲。竝縣名。屬河內。據此。似唐本史記作波。漢書作

汲也。當從水經注作波。紹。史記作終。

甯陵夷侯呂臣 陳留縣。地理志及史記作甯陵。古字通。說詳王子侯表。

戴侯謝 謝。史記作射。吳射慈亦作謝慈。古字通也。摯虞三輔決錄注云。漢末大鴻臚射咸。本姓謝。名服。

天子以為將軍出征。姓謝名服。不祥。改為射氏。名咸。載見廣韻。晉人不識古文。故翺為此說。

汾陽嚴侯斬彊 太原縣。

江都侯石封嗣 江都。百官公卿表作江都。石封公卿表及史記俱無封字。按斬彊之孫胡子孝景時已

中絕。至元鼎中有二十餘年矣。蓋石以彊曾孫紹封。故有封字。非其名也。石既是紹封。不得云嗣。疑有

脫誤。

戴敬侯祕彭祖 地理志梁國菑縣。故戴國。史記無祕字。廣韻。祕。密也。又姓。西秦錄有僕射祕宜。

安侯軫 史記作侯安期。

衍簡侯翟盱爲燕令以都尉下楚九城堅守燕。按堅守燕三字似當在爲燕令下。轉寫倒誤。

平州戴侯昭涉種。本表平州侯王映。元封三年封。下云梁父。蓋昭涉昧于元狩中免侯。故復封映。彼云

梁父。此亦是也。左傳宣元年會于平州。杜預曰。齊地在泰山牟縣西。史記種作福。

中牟共侯單右車。河內縣單右車。史記作單父聖。索隱曰。漢表作單父左車。與今本異。古有以左車爲

名者。周昌之孫亦名左車。

卽嚴侯黃極忠。南郡縣。

博陽節侯周聚。汝南縣。索隱以爲屬彭城。則字當作傅。地理志屬楚國。

陽羨定侯靈常。吳郡縣。

下相嚴侯冷耳。臨淮縣。

高陵圉侯王虞人。琅邪縣。史記作王周。

九十二。案表中九十二有程黑。王虞人二人。依史記則衛胙是九十二。程黑是九十三。然表內位次皆

以後比前。從未有以前比後者。旣云衛胙^{九十}功比高陵^{九十二}。則王虞人之爲九十二無疑矣。表闕九

十七。其程黑歟。

侯弄弓。史記作惠侯并弓。此脫證。

期思康侯賁赫。汝南縣。

戚圉侯季必 東海縣灌嬰傳云重泉人李必水經注亦作李必必之曾孫信成爲太常公卿表作李信成。

穀陽定侯馮谿 沛郡縣。

以卒前二年起拓 拓閩本作拓。

嚴敬侯許猜 嚴史記作壯一作莊猜作倩。

元光五年節侯周嗣三年薨元朔二年侯廣宗嗣 史記元光五年下卽云侯廣宗嗣闕節侯周一代。

成陽定侯奚意 濟陰縣史記逸其姓。

桃安侯劉襄 信都縣襄子舍爲太僕公卿表書爲桃丘侯。

高梁共侯酈疥 郡國志河東郡楊縣有高梁亭左傳僖二十三年有高梁杜預曰高梁在楊縣西南

侯勃 酈食其傳勃作遂。

侯平 史記作武遂侯平。

紀信侯煬 煬史記作陽。

景嚴侯王競 景史記作甘泉篆文相似耳競史記作敬。

戴侯真粘 真粘史記作莫搖。

侯嫗師古曰音許孕反 案師古音非也史記嫗作嫗嫗古文作嫗从女與聲漢書多用古文故爲嫗傳

寫者譌爲嬾耳。當音匹昭反。

張節侯毛釋之。廣平縣。史記作毛澤。

侯鹿。表脫諡。鹿。史記作慶。篆文慶从鹿。今作鹿。壞字也。

袁棗端侯革朱。史記蘇秦說魏襄王曰。大王之地。東有淮潁。袁棗。郡國志。濟陰郡。宛句有袁棗城。

侯昌。公卿表。孝景中三年。袁棗侯。乘昌爲奉常。乘與革相似而譌。

僞陵嚴侯朱溲。潁川縣。

五十一。當從史記作五十二。因五十一已有繪賀也。

藏鹵侯張平。閩本作鹵嚴侯。史記鹵作菌。字之譌。漢書莊作藏。音之譌也。閩本是。

右高祖百四十七人。總計之。實百三十七人。四當作三。宣帝紀。元康元年。復高皇帝功臣絳侯周勃等

百三十六家子孫。六當是七也。

二人在外戚。四人在王子。凡百五十三人。此用史記原數也。序云。侯者百四十三人。荀紀同。則五當作

四。

便頃侯吳淺。桂陽縣。淺。吳芮庶子。

淺。玄孫長陵。上造長樂。末格注。編字。或以便侯兼食南郡之編縣地歟。馬氏通攷。以編爲淺。玄孫名。非

也。淺。玄孫既名長樂。安得又名編。此貴與臆說。

軟侯黎朱蒼 江夏縣黎朱蒼史記作利蒼

百一十 閩本作百二十案王子侯表德哀侯廣位次亦是百二十是傳寫之誤廣實百二十七說詳王

子侯表閩本是

彭祖嗣 彭祖上脫某侯二字

平都孝侯劉到 上郡縣前有東茅敬侯劉到彼到字史記作釗非同時之侯有兩劉到也

百一十 列侯位次前後其可攷者一百三十七人間有傳寫譌者予已攷訂明確說詳功臣表及王子

侯表中矣惟百十表中有成陽侯奚意軟侯黎朱蒼平都侯劉到三人其黎朱蒼之百十則百二十之

譌已有閩本可證至劉到亦云百十疑有譌字矣攷位次簿高后二年陳平等所上是時身死代絕及

削爵者固不得與而高后元年所封之南宮侯張買博成侯馮無擇何以不在位次之列或疑張買馮

無擇是百三十八九而劉到是四十然文獻無徵未敢臆斷今將各本及史記校定位次前後具于左

方

蕭何 曹參 張敖 周勃

樊噲 酈商 奚涓 夏侯嬰

灌嬰 傅寬 靳歙 王陵

陳武 王吸 薛歐 周昌

丁復

蟲達

陳凜

武虎

郭蒙

周縉

朱軫

爰類

董滌

尹恢

郭亭

召歐

陳涓

孔聚

陳賀

工師喜

嚴不職

周竈

戴野

傅胡害

搖毋餘

劉釗

戎賜

唐厲

丙猜

丁禮

丁義

周止

單究

華毋害

陳平

張平

陳肯

陳遯

繪賀

朱漚

周聚

齊受

閻澤赤

紀通

雍齒

許盎

審食其

周成

鄂秋

張良

宣虎

林摯

張蒼

酈疥

張說

蔡寅

華寄

秦同

室中同

留盼

呂臣

高色

革朱

陽城延

孫赤	魏遯	毛釋之	陳倉
杜得臣	陳夫乞	其石	陳署
冷耳	陳嬰	呂青	劉澤
任敖	季必	溫疥	王虞人
衛肱	楊武	張瞻師	靳彊
程黑	趙將夕	許愬	馮解散
呂馬童	王燾	楊喜	呂騰
馮谿	王競	趙衍	杜恬
旅卿	奚意	昭涉掉尾	許猜
黃極忠	旅罷師	陶舍	戚鯁
公孫昔	張相如	靈常	黎朱蒼
劉它	宣義	公上不害	陳錯
單右車	祕彭祖	劉廣	劉郢客
劉章	翟盱	樂說	賁赫
吳淺	吳郢	劉襄	吳陽

須無

南宮侯張買 信都縣。下注北海疑誤。

元年四月丙寅封 表不言其薨免之事。史記云。高后八年。侯買坐呂氏事誅。國除。蓋其國已除。故孝文

元年復以南宮封張偃為侯。其事甚明。表乃云侯生嗣。孝武初有罪。為隸臣。萬六千六百戶。攷張生是

南宮侯。張偃之孫。孝武初。正為南宮侯。是時張買國絕已久。安得復有子名生者為南宮侯乎。且生罷

侯時。其戶萬六千六百。必是張敖之後封國。本大故有此戶數。若是尋常之侯。必不能享此大國。當是

傳寫者。因其姓及封地皆同。誤移于此。

梧齊侯陽城延 楚國縣城。史記作成陽城。姓延名。廣韻複姓。高祖功臣有陽成延。李善注文選云。陽城

人名延。

平定敬侯齊受 西河縣。

博成敬侯馮無擇 張守節曰。括地志。兗州博城。本漢博城縣城。

沅陵頃侯吳陽 武陵縣。陽亦吳芮庶子。

中邑貞侯朱進 勃海縣。進。史記作通。

樂成簡侯衛毋擇 南陽縣。閩本及史記作樂平。

侯修 修。閩本作後。

有請賅吏 史記有作又賅作求。

山都貞侯王恬啓 南陽縣。

漢五年爲郎中柱下令 公卿表五年有郎中令王恬啟。

祝茲夷侯徐厲 史記作松茲廬江縣形相似而譌。

十一年薨孝文七年康侯悼嗣 本紀孝文後六年以祝茲侯徐厲爲將軍自高后四年封至後六年已

二十七年此云十一年誤下云孝文七年亦誤七上年上當有後字。

成陰夷侯周信 成陰史記作成陶。

俞侯呂它 清河縣地理志說文解字竝作郇。

功比朝陽侯 華寄也呂它受封在高后四年故不入位次內。

醴陵侯越 長沙縣。

陽信夷侯劉揭 勃海縣。

十一月辛丑 本紀作十月辛亥。

壯武侯宋昌 膠東縣。

樊侯蔡兼 東平縣表脫諡。

用常山相侯 相本紀作丞相。

沔陵侯魏駟。沔陵。史記作波陵。索隱曰。漢表波作沔。

南鄭侯起。玉篇。廣韻竝云。鄭地名。各收。貞呈二音。表脫姓。

黎頃侯召奴。東郡縣。史記云。千四百一十戶。此脫。

侯延坐不出持馬。潛夫論。黎陽侯邵延坐不出持馬身斬。國除。是其事也。黎作黎陽。召作邵。不同。

餅侯孫單。琅邪縣。史記餅作餅。單作鄆。

弓高壯侯韓隤當。河間縣。索隱曰。漢表在營陵。今脫。唯閩本有之。隤傳及史記竝作積。此無戶數。史記

表云。千二百三十七戶。

不得子嗣侯者年名。史記以則爲積當子。此以則爲積當孫。故云。

龍雒侯饒。平原縣。案韓王信傳云。積當孫說以校尉表作鄆疑誤。擊匈奴。封龍雒侯。後坐酎金失侯。復以待

詔爲橫海將軍。擊破東粵。封按道侯。史記亦同。是龍雒按道爲一人。表于龍雒則云侯饒。于按道則云

愍侯說。又似二人。攷韓僞傳。說以軍功封按道侯。衛青傳。武五子傳。閩粵傳。龍雒安道俱作韓說。又功

臣表中隨父者。止言龍雒。不及按道。明是一人。故不重書。饒。史記作說。說與饒字形相涉而譌。師古不

加細攷。遂妄音爲口交反。失之遠矣。表于按道有諡。于龍雒不稱諡。以說終于按道也。

按道愍侯說元封元年五月以橫海將軍擊東越侯。史記作元鼎六年。蓋此紀其受封之時。史記載其

出兵之候。故不同。

侯曾 侯上脫安字。本傳有謚曾。本紀及韓王信傳作增。

元封元年節侯共以寶從父昆弟紹封。元封疑當作元延。傳云。成帝時封增兄子岑爲龍雒侯。世次則

同。而名不同。

侯敞弓 傳作持弓。

襄城哀侯韓嬰 潁川縣。脫戶數。史記云。一千七百三十一戶。

故安節侯申屠嘉 涿郡縣。脫戶數。史記云。一千七百一十二戶。

侯史更封 更封者。更封清安侯也。表脫清安。闕本及史記俱有之。